


東京大学総合図書館所蔵

法華經解

遠

C40
4514
230



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C40-4514

了翁子安譜大藏及有
家書置武州紫雲山
我微篤好院廬中永
為學者不遺詩出院內
當山二世錄牛機謹誌



B 64853

妙法蓮華經解卷第四之二

溫陵開元蓮寺比丘戒環解

妙法蓮華經解卷第十

二授廣記圓該前記二 初分科略叙

能持正法足以師人謂之法師此授廣記以圓該
前記而號法師品者所以廣記持經之人而推尊
之故也經舉現前八部四衆等類及佛滅後聞經
隨喜皆與授記是謂廣記前雖對三周法授三根
記而收機未盡故此圓該乃圓教之綱要也既爲
綱要允屬正宗而舊科於此遂分流通亦隨所見

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△二依科釋文二 初廣記推尊五 初授廣記

二 初現前廣記

爾時世尊因藥王菩薩告八萬大士藥王汝見是大衆中無量諸天龍王夜叉乾闥婆阿修羅迦樓羅緊那羅摩曠羅伽人與非人及比丘比丘尼優婆塞優婆夷求聲聞者求辟支佛者求佛道者如是等類成於佛前聞妙法華經一偈一句乃至一念隨喜者我皆與授記當得阿耨多羅三藐三菩提

將授廣記而因藥王告大士者以廣記渺漠法利勝妙非深知宿契及大菩薩無能證知故也藥王卽喜見菩薩久持此經燒身然臂可謂深知宿契矣八萬大士卽經首八萬菩薩現前八部四衆皆與授記者所謂若有聞法者無一不成佛也

△二後世廣記

佛告藥王又如來滅度之後若有人聞妙法華經乃至一偈一句一念隨喜者我亦與授阿耨多羅三藐三菩提記

言滅後有人則其機未兆亦懸記之則此品廣記無所不圓無所不該矣

△二推尊其人

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

若復有人受持讀誦解說書寫妙法華經乃至一句
於此經卷敬視如佛種種供養華香瓔珞末香塗香
燒香繪蓋幢幡衣服伎樂乃至合掌恭敬藥王當知
是諸人等已曾供養十萬億佛於諸佛所成就大願
愍衆生故生此人間

自受持讀誦至合掌恭敬爲六種法師一受持二
讀三誦四解說五書寫六供養能備六種難故必
由供佛宿福及大願也

藥王若有人問何等衆生於未來世當得作佛應示
是諸人等於未來世必得作佛

令藥王宣明勝因也

何以故若善男子善女人於法華經乃至一句受持
讀誦解說書寫種種供養經卷華香瓔珞抹香塗香
燒香繪蓋幢幡衣服伎樂合掌恭敬是人一切世間
所應瞻奉應以如來供養而供養之當知此人是大
菩薩成就阿耨多羅三藐三菩提哀愍衆生願生此
間廣演分別妙法華經何況盡能受持種種供養者
藥王當知是人自捨清淨業報於我滅度後愍衆生
故生於惡世廣演此經

釋上以顯緣勝人尊故當作佛但於一句能具六

110 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

種法師之功猶足推尊瞻奉而當成菩提況於一
經盡能受持則其緣愈勝其人愈尊其作佛必矣
自捨淨報者當是淨土果人示生惡世

若是善男子善女人我滅度後能竊爲一人說法華
經乃至一句當知是人則如來使如來所遣行如來
事何況於大衆中廣爲人說

使卽將命之人遣有付托之義此令敬持經人視
同將如來命爲如來付托讚揚大事宜在尊尚也

△三戒勿輕毀

藥王若有惡人以不善心於一劫中現於佛前常毀
罵佛其罪尚輕若人以一惡言毀呐在家出家讀誦
法華經者其罪甚重

萬德慈尊不可毀也然毀之其罪尚輕者以無能
損故毀持經之人其罪尤重者以斷佛種故

△四勉人信向

藥王其有讀誦法華經者當知是人以佛莊嚴而自
莊嚴則爲如來肩所荷擔其所至方應隨向禮一心
合掌恭敬供養尊重讚歎華香瓔珞抹香塗香燒香
繪蓋幢幡衣服肴饌作諸伎樂人中上供而供養之
應持天寶而以散之天上寶聚應以奉獻

以佛莊嚴而自莊嚴者謂具佛衆德也則爲如來
肩所荷擔者謂佛所尊重也佛尚尊之則人者固
當隨方欽向尊重之也

所以者何是人歡喜說法須臾聞之卽得究竟阿耨
多羅三藐三菩提故

徵釋所應尊重之意也

△五重偈頌五 初頌教師承人法

爾時世尊欲重宣此義而說偈言

若欲住佛道 成就自然智 常當勤供養
受持法華者 其有欲疾得 一切種智慧

當受持是經 幷供養持者

自然智卽本覺真智也欲住佛道成就此智必籍
法師發明故當勤供養持法華者一切種智卽諸
佛果智也欲求佛果疾得此智必依此經修證故
當持是經并供持者

△二頌推尊其人

若有能受持 妙法華經者 當知佛所使
愍念諸衆生

頌於諸佛所成就大願愍衆生故生此人間

諸有能受持 妙法華經者 捨於清淨土

愍衆故生此 當知如是人 自在所欲生
能於此惡世 廣說無上法 應以天華香
及天寶衣服 天上妙寶聚 供養說法者
頌是人自捨清淨業報等自在所欲生者所欲生
處隨願自在

吾滅後惡世 能持是經者 當合掌禮敬
如供養世尊 上饌衆甘美 及種種衣服
供養是佛子 菴得須臾聞
此令推尊以求妙法

若能於後世 受持是經者 我遣在人中

行於如來事

△三頌誠勿輕毀

若於一劫中 常懷不善心 作色而罵佛
獲無量重罪 其有讀誦持 是法華經者
須臾加惡言 其罪復過彼

如科

有人求佛道 而於一劫中 合掌在我前
以無數偈讚 由是讚佛故 得無量功德
歎美持經者 其福復過彼

顯讚美之福也

△四頌勉信向

於八十億劫 以最妙色聲

及與香味觸

供養持經者 如是供養已

若得須臾聞

則應自欣慶

我今獲大利

頌華香伎樂人中上供等文於八十億劫言不倦
持久之志以冀須臾之聞須臾聞之卽得菩提故
爲大利

△五結告顯勝

藥王今告汝 我所說諸經

而於此經中

法華最第一

故宜信向也

△二顯勝勸持十一 初深妙難解

爾時佛復告藥王菩薩摩訶薩我所說經典無量千
萬億已說今說當說而於其中此法華經最爲難信
難解

已說卽般若等今說卽法華當說卽涅槃而獨法
華所詮皆妙法所示皆實相非衆生知見所以難
信是諸佛祕要所以難解也

△二非機勿授

藥王此經是諸佛祕要之藏不可分布妄授與人諸佛世尊之所守護從昔以來未曾顯說而此經者如來現在猶多怨嫉況滅度後

祕密法要妄授則上慢退席顯說則窮子怖父而怨誹憎嫉生焉如來現在尚爾況滅後惡世可不擇機

△三能持爲勝

藥王當知如來滅後其能書持讀誦供養爲他人說者如來卽爲以衣覆之又爲他方現在諸佛之所護念是人有大信力及志願力諸善根力當知是人與如來共宿則爲如來手摩其頭

是經難得聞信受者亦難故凡書持讀說非假如來覆護及自有信願善根莫之能矣爲如來衣覆謂得佛忍力也與如來共宿謂栖心同佛也爲如來摩頂謂蒙佛慰安也如此故能於後惡世持說是法

△四大處應敬

藥王在在處處若說若讀若誦若書若經卷所住之處皆應起七寶塔極令高廣嚴飾不須復安舍利所以者何此中已有如來全身

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

三周開示及餘助顯無非如來全身也
此塔應以一切華香瓔珞繪蓋幢幡伎樂歌頌供養
恭敬尊重讚歎若有人得見此塔禮拜供養當知是
等皆近阿耨多羅三藐三菩提

爲其因正而緣勝故也

△五爲道津要

藥王多有人在家出家行菩薩道若不能得見聞讀
誦書持供養是法華經者當知是人未善行菩薩道
若有得聞是經典者乃能善行菩薩之道

行菩薩道而不聞是經如欲濟渴而不知須水也

其有衆生求佛道者若見若聞是法華經聞已信解
受持者當知是人得近阿耨多羅三藐三菩提

如入鑿井已近泉源

△六設譬津要

藥王譬如有人渴乏須水於彼高原穿鑿求之猶見
乾土知水尚遠施功不已轉見濕土遂漸至泥其心
決定知水必近

高原鑿水譬修菩薩道不得其要猶見乾土施功
不已譬從乾慧地由漸而進轉見濕土喻歷聞般
若遂漸至泥渝初聞法華然尚滯修習則於佛智

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

水近之而已若夫脫然造其真源則妙湛圓發不
勞功用視前所爲皆滓濁矣經不言此者所謂引
而不發使其自進蓋無功用處不容言論也

△七合顯所譬

菩薩亦復如是若未聞未解未能修習是法華經當
知是人去阿耨多羅三藐三菩提尚遠若得聞解思
惟修習必知得近阿耨多羅三藐三菩提所以者何
一切菩薩阿耨多羅三藐三菩提皆屬此經此經開
方便門示真實相是法華經藏深固幽遠無人能到
今佛教化成就菩薩而爲開示

佛果菩提皆屬此經則未聞未解安可得道開方
便門猶鑿井也示真實相猶見水也法華經藏卽
衆生如來藏也於衆生則蘊在塵勞於菩薩則蘊
在萬行於寶所則過乎五百由旬可謂深固幽遠
也人無能到故唯菩薩可以開示

△八辨明非機

藥王若有菩薩聞是法華經驚疑怖畏當知是爲新
發意菩薩若聲聞人聞是經驚疑怖畏當知是爲增
上慢者

大根有新發意小根有增上慢皆非機也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△九具體乃說

藥王若有善男子善女人如來滅後欲爲四衆說是法華經者云何應說

先標次釋

是善男子善女人入如來室著如來衣坐如來座爾乃應爲四衆廣說斯經如來室者一切衆生中大慈悲心是如來衣者柔和忍辱心是如來座者一切法空是安住是中然後以不懈怠心爲諸菩薩及四衆廣說是法華經

夫說法教化之道必已有所處然後能安人已有所服然後能伏人已有所據然後能達人如來以慈悲爲室柔忍爲衣法空爲座入慈悲室則已有所處也著柔忍衣則已有所服也坐法空座則已有所據也如此則具佛之體乃可廣說斯經苟未體此自無主正何以爲人哉故曰安住是中然後以不懈怠廣說是法今夫據寶華座而聖讀庸行者宜深鑒乎此一切法空者非斷空也卽一切法廓然了達之謂也

△十佛化護助

藥王我於餘國遣化人爲其集聽法衆亦遣化比丘

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

比丘尼優婆塞優婆夷聽其說法是諸化人聞法信受隨順不逆若說法者在空閑處我時廣遣天龍鬼神乾闥婆阿修羅等聽其說法我雖在異國時時令說法者得見我身若於此經忘失句逗我還爲說令得具足

此佛力變化讚揚大事也餘國則他方世界在異國而令見所謂隱顯化衆生

△十一以偈重宣六 初頌顯勝勸持

爾時世尊欲重宣此義而說偈言

欲捨諸懈怠 應當聽此經 是經難得聞
信受者亦難

欲於正道易進而無懈者當依此爲津要

△二頌譬津要

如人渴須水 穿鑿於高原 猶見乾燥土
知去水尚遠 漸見濕土泥 決定知近水

△三頌合顯

藥王汝當知 如是諸人等 不聞法華經
去佛智甚遠 若聞是深經 決了聲聞法
是諸經之王 聞已諦思惟 當知此人等
近於佛智慧

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

決了聲聞直入佛慧

△四頌具體乃說

若人說此經 應入如來室 著於如來衣

而坐如來座 處衆無所畏 廣爲分別說

大慈悲爲室 柔和忍辱衣 諸法空爲座

處此爲說法 若說此經時 有人惡口罵

加刀杖瓦石 念佛故應忍

以佛爲念當忍諸惡所謂著如來衣

△五頌佛化護助

我千萬億土 現淨堅固身 於無量億劫

爲衆生說法 若我滅度後 能說此經者

我遣化四衆 比丘比丘尼 及清信士女

供養於法師 引導諸衆生 集之令聽法

若人欲加惡 刀杖及瓦石 則遣變化人

爲之作衛護 若說法之人 獨在空閑處

寂寞無人聲 讀誦此經典 我爾時爲現

清淨光明身 若忘失章句 爲說令通利

若人具是德 或爲四衆說 空處讀誦經

皆得見我身 若人在空閑 我遣天龍王

夜叉鬼神等 爲作聽法衆 是人樂說法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

分別無罣礙 諸佛護念故 能令大衆喜
皆餘國遣化護助事也 若人具是德謂具慈悲柔
忍德也 空處讀經得見我身者 令於法空座行柔
淨光明身也 若未具是德徒誦此經而欲以色相
見我是行邪道

△六結勸師承

若親近法師 速得菩薩道 隨順是師學
得見恒沙佛

恒沙諸佛全身在此

妙法蓮華經見寶塔品第十一

△三會諸佛圓證前法二 初標科叙義

自開會至此三周法備四衆記圓法身已全本願
已足故感過去多寶踊願塔現全身盡集十方說
法分身諸佛圓會圓證所以然者示十方三世過
現諸佛說示修證之道圓備於此

△二依科釋文二十三 初寶塔踊現

爾時佛前有七寶塔高五百由旬縱廣二百五十由
旬從地涌出住在空中種種寶物而裝校之五千欄
楯龕室千萬無數幢幡以爲嚴飾垂寶瓔珞寶鈴萬

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

億而懸其上四面皆出多摩羅跋栴檀之香克徧世
界其諸幡蓋以金銀琉璃琿瑪瑙真珠玫瑰七寶
合成高至四天王宮

寶塔殊勝乃果行依報諸莊嚴具彰果行德用也
種種莊校卽萬德之像五千欄楯卽總持之力龕
室千萬應慈悲無量也幢幡無數應摧邪表正也
坐寶瓔珞卽衆善下化寶鈴萬億卽法音廣振四
而出香表神通四達如意周徧七寶幡蓋高至天
宮表衆德尊勝也

△二諸天供塔

三十三天雨天曼陀羅華供養寶塔餘諸天龍夜叉
乾闥婆阿修羅迦樓羅緊那羅摩睺羅伽人非人等
千萬億衆以一切華香瓔珞幡蓋伎樂供養寶塔恭
敬尊重讚歎

知有如來全身故

△三印讚釋迦

爾時寶塔中出大音聲歎言善哉善哉釋迦牟尼世
尊能以平等大慧教菩薩法佛所護念妙法華經爲
大衆說如是如是釋迦牟尼世尊如所說者皆是真
實

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

平等大慧卽一乘實智也

△四四衆喜怪

爾時四衆見大寶塔住在空中又聞塔中所出音聲皆得法喜怪未曾有從座而起恭敬合掌却住一面聞歎大慧真實之說故得法喜

△五樂說問緣

爾時有菩薩摩訶薩名大樂說知一切世間天人阿修羅等心之所疑而白佛言世尊以何因緣有此寶塔從地涌出又於其中發是音聲

△六釋迦明告

爾時佛告大樂說菩薩此寶塔中有如來全身乃至過去東方無量千萬億阿僧祇世界國名寶淨彼中有佛號曰多寶其佛行菩薩這時作大誓願著我成佛滅度之後於十方國土有說法華經處我之塔廟爲聽是經故踊現其前爲作證明讚言善哉

多寶滅度全身不散如入禪定而能隨願在處證經此示法身無滅無生自在之力使爾妙法者了無滅生頓悟實相故示現作證如此

彼佛成道已臨滅度時於天人大衆中告諸比丘我滅度後欲供養我全身者應起一大塔

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

叙塔緣起也

其佛以神通願力十方世界在在處處若有說法華經者彼之寶塔皆涌出其前全身在於塔中讚言善哉善哉

不獨此處

大樂說今多寶如來塔聞說法華經故從地涌出讚言善哉善哉

結示今緣也

△七願見多寶

是時大樂說菩薩以如來神力故白佛言世尊我等願欲見此佛身

欲表圓證當現全身此非小緣故假如來神力發起

△八當集分身

佛告大樂說菩薩摩訶薩是多寶佛有深重願若我寶塔爲聽法華經故出於諸佛前時其有欲以我身示四衆者彼佛分身諸佛在於十方世界說法盡還集一處然後我身乃出現耳

必待十方說法諸佛畢集然後出現者表圓會圓證也分身諸佛卽千百億化水月應物者

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9 120 1 2 3 4 5 6 7 8 9 100 1 2 3 4 5 6 7 8 9 80 1 2 3 4 5 6 7 8 9 60 1 2 3 4 5 6 7 8 9 40 1 2 3 4 5 6 7 8 9 20 1 2 3 4 5 6 7 8 9

大樂說我分身諸佛在於十方世界說法者今應當集

當副多寶之願也

△九願見分身

大樂說白佛言世尊我等亦願欲見世尊分身諸佛禮拜供養

△十釋迦光召

爾時佛放白毫一光卽見東方五百萬億那由他恒河沙等國土諸佛彼諸國土皆以頗梨爲地寶樹寶衣以爲莊嚴無數千萬億菩薩充滿其中徧張寶幔寶網羅上彼國諸佛以大妙音而說諸法及見無量千萬億菩薩徧滿諸國爲衆說法

此皆釋迦分身在十方說法者

南西北方四維上下白毫相光所照之處亦復如是徧照十方咸召使集

△十一因召將至

爾時十方諸佛各告衆菩薩言善男子我今應往娑婆世界釋迦牟尼佛所并供養多寶如來寶塔

△十二初變淨土

時娑婆世界卽變清淨瑠璃爲地寶樹莊嚴黃金爲

繩以界八道無諸聚落村營城邑大海江河山川林
藪燒大寶香曼陀羅華徧布其地以寶納幔羅覆其
上懸諸寶鈴唯留此會衆移諸天人置於他土
變土將容分身之衆也瑠璃爲地等者現佛國之
淨相無諸聚落等者滅衆生之染緣移天人置他
土如淨名說菩薩斷取大千擲沙界外其中衆生
不覺不知

△十三東方來集

是時諸佛各將一大菩薩以爲侍者至娑婆世界各
到寶樹下一寶樹高五百由旬枝葉華果次第莊
嚴諸寶樹下皆有師子之座高五由旬亦以大寶而
校飾之爾時諸佛各於此座結跏趺坐如是展轉徧
滿三千大千世界而於釋迦牟尼佛一方所分之身
猶故未盡

一方卽東方也釋迦分身譬如一燈然百千燈真
應無盡而器界有窮故雖大千不能容受

△十四再變淨土

時釋迦牟尼佛欲容受所分身諸佛故八方各更變
二百萬億那由他國皆令清淨無有地獄餓鬼畜生
及阿修羅又移諸天人置於他土所化之國亦以瑠

110 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

琉璃爲地寶樹莊嚴樹高五百由旬枝葉華菓次第嚴
飾樹下皆有寶師子座高五由旬種種諸寶以爲裝
校亦無大海江河及目真隣陀山摩訶目真隣陀山
鐵圍山大鐵圍山須彌山等諸山王通爲一佛國土
寶地平正寶交露慢徧覆其上懸諸幡蓋燒大寶香
諸天寶華徧布其地

目真隣陀此云石

△十五復變淨土

釋迦牟尼佛爲諸佛當來坐故復於八方各更變二
百萬億那由他國皆令清淨無有地獄餓鬼畜生及

阿修羅又移諸天人置於他土所化之國亦以瑠璃
爲地寶樹莊嚴樹高五百由旬枝葉華果次第莊嚴
樹下皆有寶師子座高五由旬亦以大寶而校飾之
亦無大海江河及目真隣陀山摩訶目真隣陀山鐵
圍山大鐵圍山須彌山等諸山王通爲一佛國土寶
地平正寶交露慢徧覆其上懸諸幡蓋燒大寶香諸
天寶華徧布其地

淨名丈室能廣容多座釋迦化土如自在天宮涌
出之衆有無量河沙各詣靈山未聞迫窄而此必
三變淨土乃能容受分身者特因事顯法耳蓋淨

土妙境生佛本共法身化體物我無虧唯眾生識心自染自局故聖人因分身之來特與開示初於娑婆一變者滅衆生染緣也次於八方再變者遣識心限礙也後於八方復變者廓法界真境也三變之後分身畢集多寶全現者示染緣既滅礙心既遣真境既廓則法身化體當處現前一多圓融隨念自在妙法大旨明此而已故茲因事特與開示也淨名直示不思議境故卽丈室而廣容法華意在引權入實故自穢土而三變宗趣有異故建立不同得旨歸根夫何異也

△十六分身畢集

爾時東方釋迦牟尼佛所分之身百千萬億那由他恒河沙等國土中諸佛各各說法來集於此如是次第十方諸佛皆悉來集坐於八方爾時一一方四百萬億那由他國土諸佛如來徧滿其中

前初變土東方已集此復舉者言東方集後十方次第而集

△十七問訊答請

是時諸佛各在寶樹下坐師子座皆遣侍者問訊釋迦牟尼佛各齋寶華滿掬而告之言善男子汝往詣

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

耆闍崛山釋迦牟尼佛所如我辭曰少病少惱氣力安樂及菩薩聲聞衆悉安隱不以此寶華散佛供養而作是言彼某甲佛與欲開此寶塔諸佛遣使亦復如是

分身之來不躬觀佛者體同故也皆遣侍者致問開塔者願同故也與音預同欲也

△十八開塔見佛

爾時釋迦牟尼佛見所分身佛悉已來集各各坐於師子之座皆聞諸佛與欲同開寶塔卽從座起住虛空中一切四衆起立合掌一心觀佛於是釋迦牟尼佛以右指開七寶塔戶出大音聲如却關鑰開大城門

右表順道開發也一指聊舉關鍵脫然如來全員於是可見

卽時一切衆會皆見多寶如來於寶塔中坐師子座全身不散如入禪定又聞其言善哉善哉釋迦牟尼佛快說是法華經我爲聽是經故而來至此

信知諸佛雖不實滅而言滅度

△十九衆喜散華

爾時四衆等見過去無量千萬億劫滅度佛說如是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

言歎未曾有以天寶華聚散多寶佛及釋迦牟尼佛
上

△二十多寶分座

爾時多寶佛於寶塔中分半座與釋迦牟尼佛而作
是言釋迦牟尼佛可就此座卽時釋迦牟尼佛入其
塔中坐其半座結跏趺坐

妙法實際一切圓融物我不分古今一致是以過
去多寶與現在釋迦於寶塔中共坐一座以示三
界之相無有生死若退若出亦無在世及滅度者
非實非虛非如非異斯妙法之極致也故作證如
此

△二十一衆獲親近

爾時大衆見二如來在七寶塔中師子座上結跏趺
坐各作是念佛座高遠唯願如來以神通力令我等
輒俱處虛空卽時釋迦牟尼佛以神通力接諸大衆
皆在虛空

塔在空中故升空乃可親近

△二十二釋迦宣傳

以大音聲普告四衆誰能於此娑婆國土廣說妙法
華經今正是時如來不久當入涅槃佛欲以此妙法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

華經付囑有在

說證事圓於是付囑言有在者傳布法利期在得人也日月燈明說是經已卽於衆唱滅授記付托今佛至此亦云不久涅槃付囑有在足知三周開示至此乃畢此後顯妙勸特別是一番故雖唱滅結經而復有後說至神力品涌出之衆方請流通則神力品前猶屬正宗明矣此乃經之節目歷然可辨

△二十三以偈重頌八初頌多寶作證爾時世尊欲重宣此義而說偈言

聖主世尊 聖久滅度 在寶塔中

尚爲法來 諸人云何 不勤爲法

此佛滅度 無央數劫 處處聽法

以難遇故 因多寶勉衆也

△二頌多寶本願

彼佛本願 我滅度後 在在所往

常爲聽法

△三頌分身來意

又我分身 無量諸佛 如恒沙等

來欲聽法 又見滅度 多寶如來
各捨妙土 及弟子衆 天人龍神
諸供養事 令法久住 故來至此
化佛爲欲聽法及見多寶故捨妙土諸事而來作
證令法久住

△四頌三變淨土

爲坐諸佛 以神通力 移無量衆

令國清淨

△五頌分身畢集

諸佛各各 詣寶樹下 如清淨池

蓮華莊嚴

其寶樹下

諸師子座

佛坐其上

光明嚴飾

如夜暗中

然大炬火

身出妙香

徧十方國

衆生蒙薰

喜不自勝

譬如大風

吹小樹枝

以是方便

令法久住

此皆頌美化佛來儀也如風吹枝言衆生喜心靡
然向佛也

△六頌釋迦宣傳

告諸大衆 我滅度後 誰能護持

讀說斯經

今於佛前

自說誓言

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

其多寶佛 雖久滅度 以大誓願
而師子吼 多寶如來 及與我身
所集化佛 當知此意

初四句詢求其人次下令發願持經則多寶釋迦
及分身佛當爲作證

諸佛子等 誰能護法 當發大願
令得久住 其有能護 此經法者
則爲供養 我及多寶 此多寶佛
處於寶塔 常遊十方 爲是經故
亦復供養 諸來化佛 莊嚴光飾

諸世界者 若說此經 則爲見我
多寶如來 及諸化佛

再求其人也此中已有如來全身故能護能說則
爲供我見我及多寶化佛也嚴飾世界指化佛來
儀也

△七顯難勸持二 初令衆諦思

諸善男子 各諦思惟 此爲難事
宜發大願 諸餘經典 數如恒沙
雖說此等 未足爲難
諸餘經典教理行果未圓未頓故也

110 123 3456789 180 123 456789 150 123 456789

△二引喻顯難六 一說難

若接須彌 欲置他方 無數佛土

亦未爲難 若以足指 動大千界

遠擲他國 亦未爲難 若立有頂

爲衆演說 無量餘經 亦未爲難

若佛滅後 於惡世中 能說此經

是則爲難

接須彌動大千則神通等於菩薩立有頂說餘經
則大辨壓於諸天未若惡世說此之爲難何以故
惡世心高不啻如須彌之難接無明堅厚不啻如
大千之難動慢心增上不啻如有頂之難壓故有
頂天卽色界頂也

△二書難

假使有人 手把虛空 而以遊行

亦未爲難 於我滅後

若使人書 是則爲難

捨把也有象可把虛空難捨卽言可書離言莫寫
蓋由此經言辭相寂故

△三讀難

若以大地 置足甲上 昇於梵天

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

亦未爲難 佛滅度後 於惡世中
是則爲難
以大地置足甲升梵天喻末世下根能舉重任以
極高明之道是誠不易也

△四持難

假使劫燒 擔負乾草 入中不燒
亦未爲難 我滅度後 若持此經
爲一人說 是則爲難

末世暴惡過於劫燒於中持經易遭魔難故能持
爲難

△五聽難

若持八萬 四千法藏 十二部經
爲人演說 令諸聽者 得六神通
雖能如是 亦未爲難 於我滅後
聽受此經 問其義趣 是則爲難

持八萬藏未如一乘之頓得六神通孰若證性之
圓

△六奉難

若人說法 令千萬億 無量無數
恒沙衆生 得阿羅漢 具六神通

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

雖有是益 亦未爲難 於我滅後

若能奉持 如斯經典 是則爲難

諸餘法化終滯權乘奉持斯經疾得佛道

△八頌結勸持

我爲佛道 於無量土 從始至今

廣說諸經 而於其中 此經第一

若有能持 則持佛身

結顯勸持也則持佛身者所謂此中已有如來全
身

諸善男子 於我滅後 誰能受持

讀誦此經 今於佛前 自說誓言

前已詢求持人今自說誓此復諱諱者欲以妙法
付囑有在故也

此經難持 若能持者 我則歡喜

諸佛亦然 如是之人 諸佛所歎

是則勇猛 是則精進 是名持戒

行頭陀者 則爲疾得 無上佛道

此及下文皆結顯勸持也古之所謂持經非手執
口誦而已要以是道內自攝持由是得無畏力故
是則勇猛超不退地故是則精進內外自正故是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

名持戒塵勞自淨故是爲頭陁如此乃可疾得佛道所以整持爲難而諸佛喜歡也若雖書持讀說而不能造此其猶蠶虫食木野禽鳴春風氣宣使曾無意謂又何貴於書持而稱難若此學者當明深旨以盡持經之道

能於來世 讀持此經 是真佛子

住淳善地 佛滅度後 能解其義

是諸天人 世間之眼

化澆漓世必藉淳風開人天眼實資解義

於恐畏世 能須臾說 一切天人

皆應供養

所謂若見此法師生心如佛想此尊師重道勉進弘持也三周開示文終於此總而言之初於法說歎二智明十如全提妙法開佛知見次喻說斥羊鹿示白牛明迷此則墮火宅悟此則造佛地後因緣說顯所迷之通智示教導之遠因滅化城指寶所皆所以開而示之使見自己本來佛性以見是性則無不成佛故領悟之後各示佛記而卒於圓該圓證之事是爲三周開示之終也

妙灑蓮華經解卷第四之二

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

音切

鍵切

奇蹇培切

蒲溝

太谷信官高擢弟高揚姪時弘共施貴刻此
妙法蓮華經解卷第四之二 嘉興沙彌道梅對
真州趙之昂書 秋陵劉貴刻
萬曆辛卯春五臺山妙德庵識

演講

晉惠

妙法蓮華經解卷第四之三

溫陵開元蓮寺比丘戒環解

△二顯妙勸持二 初分科略叙

顯法妙利勸進弘持令深證妙法也

妙法蓮華經提婆達多品第十二

△二依科釋文七 初顯法妙利二 初釋尊獲

因二 初略叙科名

提婆達多亦曰調達此云天授爲斛飯王子禱天
而生也昔爲仙人授佛妙法如來因之遂致成佛
今欲明其所授而顯法妙利故以名品

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△二正釋文義七 一叙昔求法

爾時佛告諸菩薩及天人四衆吾於過去無量劫中求法華經無有懈倦於多劫中常作國王發願求於無上菩提心不退轉

欲以正道優於天下

爲欲滿足六波羅蜜勤行布施心無憊惜象馬七珍國城妻子奴婢僕從頭目髓腦身肉手足不惜軀命欲以正行率彼貪迷

時世人民壽命無量爲於法故捐捨國位委政太子由道之優裕故君遂無爲

擊鼓宣令四方求法誰能爲我說大乘者吾當終身供給走使

兼忘天下惟道是從

△二仙人應求

時有仙人來白王言我有大乘名妙法華經若不違我當爲宣說

△三屈已尊道

王聞仙言歡喜踊躍卽隨仙人供給所須採菓汲水拾薪設食乃至以身而爲牀座身心無倦於時奉事經於千歲爲於法故精勤給侍令無所乏

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

此終身供給也以身爲床座示忘身爲法無疲訥
也

△四以偈重宣

爾時世尊欲重宣此義而說偈言

我念過去劫 爲求大法故 雖作世國王

不貪五欲樂 椅鍾告四方

誰有大法者

若爲我解說 身當爲奴僕

時有阿私仙

來白於大王 我有微妙法

世間所希有

若能修行者 吾當爲汝說

時王聞仙言

心生大喜悅 卽便隨仙人

供給於所須

採薪及菓蓏

隨時恭敬與 情存妙法故

身心無懈倦

屈已如此使天下知有至貴者不在國爵也阿私
此云無比其形與法皆無比也樹生曰菓藤生曰
蓏

普爲諸衆生 勸求於大法 亦不爲己身

及以五欲樂 故爲大國王 勸求獲此法

遂致得成佛 今故爲汝說

皆頌往昔求法也

△五結成因行

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

佛告諸比丘爾時王者則我身是時仙人者今提婆達多是由提婆達多善知識故令我具足六波羅蜜慈悲喜捨三十二相八十種好紫磨金色十力四無所畏四攝法十八不共神通道力成等正覺廣度衆生皆因提婆達多善知識故

△六轉記提婆

告諸四衆提婆達多却後過無量劫當得成佛號曰天王如來應供正徧知明行足善逝世間解無上士調御丈夫天人師佛世尊世界名天道

號天王者釋迦資之以成道是爲天中天之法王也

時天王佛住世二十中劫廣爲衆生說於妙法恒河沙衆生得阿羅漢果無量衆生發緣覺心恒河沙衆生發無上道心得無生忍至不退轉

記其當來住世利被三乘

時天王佛般涅槃後正法住世二十中劫全身舍利起七寶塔高六十由旬縱廣四十由旬諸天人民悉以雜華抹香燒香塗香衣服瓔珞幢幡寶蓋伎樂歌頌禮拜供養七寶妙塔無量衆生得阿羅漢果無量衆生悟辟支佛不可思議衆生發菩提心至不退轉

110 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

滅後正法亦被三乘

△七聞品獲益

佛告諸比丘未來世中若有善男子善女人聞妙法華經提婆達多品淨心信敬不生疑惑者不墮地獄餓鬼畜生生十方佛前所生之處常聞此經若生人天中受勝妙樂若在佛前蓮華化生

此品明釋迦因行求法以致成佛故聞者淨信不疑斯可遠惡道生佛家也

△二龍女獲果二 初略叙科名

前明釋尊資成佛因此明龍女資成佛果皆顯一

乘妙利也

△二正解文義十七 一智積發起

於時下方多寶世尊所從菩薩名曰智積白多寶佛當還本土

作證事畢於是告還發起後緣

△二釋迦開端

釋迦牟尼佛告智積曰善男子且待須臾此有菩薩名文殊師利可與相見論說妙法可還本土

△三文殊來儀

爾時文殊師利坐千葉蓮華大如車輪俱來菩薩亦

坐寶蓮華從於大海娑竭羅龍宮自然涌出住虛空中詣靈鷲山從蓮華下至於佛所頭面敬禮二世尊足修敬已畢往智積所共相慰問却坐一面

序衆之初文殊預會今又從海涌出者智體周偏十方對現如響應聲無去來相但隨機顯法耳今顯龍宮所化之事故示從海出也

△四智積問化

智積菩薩問文殊師利仁往龍宮所化衆生其數幾何文殊師利言其數無量不可稱計非口所宣非心所測且待須臾自當證知

△五海衆涌出

所言未竟無數菩薩坐寶蓮華從海涌出詣靈鷲山住在虛空此諸菩薩皆是文殊師利之所化度具菩薩行皆共論說六波羅蜜本聲聞人在虛空中說聲聞行今皆修行大乘空義

此文殊於龍宮所化之衆也龍宮非人所居則所化衆生皆龍類而一聞妙法遂成菩薩足知一切衆生莫不具佛知見只欠開悟耳言本聲聞人等者明所化之機亦具三乘而由權入實也

△六文殊指答

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

文殊師利謂智積曰於海教化其事如是

△七智積偈讚

爾時智積菩薩以偈讚曰

大智德勇健 化度無量衆 今此諸大會

及我皆已見

謂已見智德健化之事此領自當證知之語

演暢實相義 開闡一乘法 廣導諸衆生

令速成菩提

上讚所化此讚能化

△八文殊再答

文殊師利言我於海中唯常宣說妙法華經

此答前偈也前含問意而譯文不顯正法華則顯矣彼前偈云至仁慧無量化衆寶數惟爲露聖旨分別說其意普首答曰在海中唯演正法華經

△九智積重問

智積問文殊師利言此經甚深微妙諸經中寶世所希有頗有衆生勤加精進修行此經速得佛不

△十文殊顯示

文殊師利言有娑竭羅龍王女年始八歲智慧利根善知衆生諸根行業得陀羅尼諸佛所說甚深祕藏

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

悉能受持深入禪定了達諸法於剎那頃發菩提心
得不退轉辨才無礙慈念衆生猶如赤子功德具足
心念口演微妙廣大慈悲仁讓志意和雅能至菩提
卽修行此經速得佛之證也龍宮無數菩薩皆是
文殊化度而獨舉八歲龍女成佛者明佛性不間
男女不在老成不擇異類但根智之利所造之深
剎那迴光則菩提可至亦乃破三乘遠繫而進其
濡滯也

△十一束教疑難

智積菩薩言我見釋迦如來於無量劫難行苦行積
功累德求菩提道未曾止息觀三千大千世界乃至
無有如芥子許非是菩薩捨身命處爲衆生故然後
乃得成菩提道不信此女於須臾頃便成正覺
此執別教之迹疑圓頓之理

△十二龍女讚顯

言論未訖時龍王女忽現於前頭面禮敬却住一面
以偈讚曰

深達罪福相 徧照於十方 微妙淨法身
具相三十二 以八十種好 用莊嚴法身
天人所戴仰 龍神咸恭敬 一切衆生類

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無不宗奉者

因智積滯相故讚文殊深達也唯其滯相則以畜
類佛身罪福有異故不信此女須臾成佛唯其深
達則大智偏照十方廓然生佛等同罪福不二則
微妙淨體觸處端嚴不擇龍女矣

又聞成菩提 唯佛當證知

言文殊許之成道其事超絕非小智所測

我闡大乘教 度脫苦衆生

因其許可普度羣生

△十三小乘對辨

時舍利弗語龍女言汝謂不久得無上道是事難信
所以者何女身垢穢非是法器云何能得無上菩提
佛道懸曠經無量劫勤苦積行具修諸度然後乃成
又女人身猶有五障一者不得作梵天王二者帝釋
三者魔王四者轉輪聖王五者佛身云何女身速得
成佛

鶩子依小乘教迹辨難示爲小智釋疑故也言佛
道懸曠女身多障皆小乘教迹也梵王淨行帝釋
少欲魔王堅固輪王大仁佛具萬德而女人多染
多欲懦弱姤害具足煩惱皆反於上故致五障

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△十四龍女現變

爾時龍女有一寶珠價值三千大千世界持以上佛
佛卽受之龍女謂智積菩薩尊者舍利弗言我獻寶
珠世尊納受是事疾不答言甚疾女言以汝神力觀
我成佛復速於此當時衆會皆見龍女忽然之間變
成男子具菩薩行卽往南方無垢世界坐寶蓮華成
等正覺三十二相八十種好普爲十方一切衆生演
說妙法

珠表妙圓真心持以上佛表捨法愛也法愛不存在
則妙心無垢成佛之要無速於此故卽往南方無
垢世界成等正覺也經云法性如大海不說有是
非凡夫賢聖人平等無高下唯在心垢滅取證如
反掌所以龍女纔捨法愛遂速成佛也

△十五四衆具瞻

爾時娑婆世界菩薩聲聞天龍八部人與非人皆逢
見彼龍女成佛普爲時會人天說法心大歡喜悉遙
敬禮

△十六彼此蒙益

無量衆生聞法解悟得不退轉無量衆生得受道記
無垢世界六反靈動

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

彼衆蒙益彼土瑞應也道記者印證其得道也
娑婆世界三千衆生住不退地三千衆生發菩提心
而得受記

此衆蒙益亦得道記也

△十七結顯勸信

智積菩薩及舍利弗一切衆會默然信受
皆積鶩子聞龍女事初皆驚疑而終皆默信蓋妙
法功利顯然神速孰當不信哉

妙法蓮華經持品第十三

△二聖衆願持二 初分科略叙

因前宣付又因上顯勸故衆願持說以廣道化故
名持品於文初藥王等願此方持次聲聞衆願他
方持後大菩薩願十方持者此方堪忍難化非藥
王洪願不能他方爲善國土故聲聞能之十方廣
漠故須八十萬億大菩薩也

△二依科解文三 初誓此方持

爾時藥王菩薩摩訶薩及大樂說菩薩摩訶薩與二
萬菩薩眷屬俱皆於佛前作是誓言唯願世尊不以
爲慮我等於佛滅後當奉持讀誦說此經典

此由寶塔品末顯難勸持故藥王等發大願力不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

憚其難而願佛無慮

後惡世衆生善根轉少多增上慢貪利供養增不善根遠離解脫雖難可教化我等當起大忍力讀誦此經持說書寫種種供養不惜身命

此領入劫燒接須彌喻難之意而發誓也雖末世惡暴有如劫燒上慢心高有如須彌難可教化而誓無所避故云當起大忍不惜身命

△二誓他方持二一聲聞僧衆

爾時衆中五百阿羅漢得受記者自佛言世尊我等亦自誓願於異國土廣說此經復有學無學八千人得受記者從座而起合掌向佛作是誓言世尊我等亦當於他國土廣說此經所以者何是娑婆國中人多弊惡懷增上慢功德淺薄瞋濁詖曲心不實故此領立有頂舉大地喻難之意而聲聞自量其力誓化他方善國土也

△二聲聞尼衆

爾時佛姨母摩訶波闍波提比丘尼與學無學比丘尼六千人俱從座而起一心合掌瞻仰尊顏目不暫捨於時世尊告憍曇彌何故憂色而視如來汝心將無謂我不說汝名授阿耨多羅三藐三菩提記耶憍

曇彌我先總說一切聲聞皆已授記今汝欲知記者將來之世當於六萬八千億諸佛法中爲大法師及六千學無學比丘尼俱爲法師

摩訶波提此云大愛道欲誓持經未奉親記故翹
躋瞻仰稽曇彌此云尼衆主女人出家自愛道始
故號尼主

汝如是漸漸具菩薩道當得作佛號一切衆生喜見
如來應供正徧知明行足善逝世間解無上士調御
丈夫天人師佛世尊稽曇彌是一切衆生喜見佛及
六千菩薩轉次授記得阿耨多羅三藐三菩提

果號喜見者因爲法師以法喜悅人故

爾時羅睺羅母耶輸陀羅比丘尼作是念世尊於授
記中獨不說我名佛告耶輸陀羅汝於來世百千萬
億諸佛法中修菩薩行爲大法師漸具佛道於善國
中當得作佛號具足千萬光相如來應供正徧知明
行足善逝世間解無上士調御丈夫天人師佛世尊
佛壽無量阿僧祇劫

耶輸示迹蓋表大悲法喜稱適大智智悲雙運然
後萬德具足千相光嚴故其果號具足千萬光相
爾時摩訶波闍波提比丘尼及耶輸陀羅比丘尼并

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

其眷屬皆大歡喜得未曾有卽於佛前而說偈言

世尊導師 安隱天人 我等聞記

心安具足

謝記也下誓持

諸比丘尼說是偈已白佛言世尊我等亦能於他方
國土廣宣此經

亦量力故怯於娑婆

△三十方誓持三 一顧盼付託

爾時世尊視八十萬億那由他諸菩薩摩訶薩

此方他方不該不徧故青蓮迴盼意被十方也入

十萬億卽十方來集之衆

△二利智嘿從

是諸菩薩皆是阿鞞跋致轉不退法輪得諸陀羅尼
卽從座起至於佛前一心合掌而作是念若世尊告
勅我等持說此經者當如佛教廣宣斯法復作是念
佛今默然不見告勅我當云何時諸菩薩敬順佛意
并欲自滿本願便於佛前作師子吼而發誓言世尊
我等於如來滅後周旋往反十方世界能令衆生書
寫此經受持讀誦解說其義如法修行正憶念皆是
佛之威力唯願世尊在於他方遙見守護

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

彼一婆婆尚怯弊惡則十方誠難故歸功佛力復求加護

△三同聲說偈四 初勇敢發願
卽時諸菩薩俱同發聲而說偈言

唯願不爲慮 於佛滅度後 恐怖惡世中
我等當廣說

此亦挾前顯難勸持之意說偈故其辭皆叙未世諸難

△二廣陳忍力四 一誓忍無智

有諸無智人 惡口罵詈等 及加刀杖者

我等皆當忍

無智昏惑故邪正相寇

△二誓忍邪慢

惡世中比丘 邪智心詭曲 未得謂爲得

我慢心充滿

此大林之荆棘大田之根莠也

或有阿練若 納衣在空閑 自謂行眞道

輕賤人間者 貪著利養故 與白衣說法

爲世所恭敬 如六通羅漢

此寄法借勢矯言僞行以竊名苟利濫膺恭敬者

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

也阿練若此云寂靜處

是人懷惡心 常念世俗事 假名阿練若
好出我等過 而作如是言 此諸比丘等
爲貪利養故 說外道論義 自作此經典
誑惑世間人 爲求名聞故 分別於是經
以愚嫉賢以僞謗真正末世之情耳

常在大衆中 欲毀我等故 向國王大臣

婆羅門居士 及餘比丘衆 謹謗說我惡

謂是邪見人 說外道論義 我等敬佛故

悉忍是諸惡 爲斯所輕言 汝等皆是佛

如此輕慢言 皆當忍受之

此皆溢惡之言 所謂好出我等過也 謗謂自作此
經故刺言汝皆是佛皆輕慢之言

△三誓恐怖惡

濁劫惡世中 多有諸恐怖 惡鬼入其身
罵詈毀辱我 我等敬信佛 當著忍辱鎧
爲說是經故 忍此諸難事 我不愛身命
但惜無上道 我等於來世 護持佛所囑

惡鬼入人身如楞嚴說惡魔能飛精附人許露人事
罵者操法禁之近於羈詈者肆言凶之異於罰

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△四誓忍擯逐

世尊自當知 濁世惡比丘 不知佛方便
隨宜所說法 惡口而曠惑 數數見擯出
遠離於塔寺 如是等衆惡 念佛告勅故
皆當忍是事

隨宜說法意趣難解故濁流昧之惡口而誇顰惑
而嫌乃至擯逐而不容以念佛持之勅故皆當
忍之

△三觸處流布

諸聚落城邑 其有求法者 我皆到其所
說佛所囑法 我是世尊使 處衆無所畏
我當善說法 願佛安隱住

世尊使者言假佛威力故能無畏而善說願佛安
隱不以爲慮也

△四結誓盡誠

我於世尊前 諸來十方佛 發如是誓言
佛自知我心

諸來十方卽多寶及分身也

妙法蓮華經解卷第四之三

音切

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

麻方果懦乃卧竚除呂莠余受
切切切切

寶抵令嘉善袁貴施賛刻此
妙法蓮華經解卷第四之三 嘉興沙彌道梅對
真州趙之昂書 深水陶學詩刻
萬曆辛卯春五臺山妙德庵識

世尊身無所有而善法無所不

矣當喜頌去 酬讚安願生

歸心已歇去 余長世尊身 賴衆無浪異

妙灑蓮華經解卷第五之一

溫陵開元蓮寺比丘戒環解

妙灑蓮華經安樂行品第十四

△三持經妙行二 初標叙科義

萬行依於三業本於智悲智以處己悲以應物皆
欲不失其正正則安而樂不正則危而憂故此特
依文殊正智示正身正語正意大悲四法名安樂
行品由前持品菩薩敬順佛意願於惡世護持此
經誓忍諸難而大聖以謂能忍諸難未若必使之
無難故爲說四安樂行四行既正則一性安恬靜

170 123456789180 123456789190 123456789

與道合動與神會其完不爲物挫雖臨危難不知其爲危難也其固不爲物傾雖對欲惡不知其爲欲惡也夫躬行是行則涉惡世而持經入紛華以應物無所往而不安且樂矣是謂必使之無難也

△二依科釋文二 初文殊讚請二 初讚前爾時文殊師利法王子菩薩摩訶薩白佛言世尊是諸菩薩甚爲難有敬順佛故發大誓願於後惡世護持讀說是法華經

讚持品事也

△二請後

世尊菩薩摩訶薩於後惡世云何能說是經

請問云何所行乃能說是經得無諸難此發起安樂行法也以文殊請者示依正智發起正行

△二佛示四法二 初總標行法

佛告文殊師利若菩薩摩訶薩於後惡世欲說是經當安住四法

卽四安樂行也一正身行二正語行三正意行四大悲行繼三業以大悲者三業既正則正智真淨逮得已利須起大悲廣行利他智悲相濟乃能於惡世演說是經得無諸難

170 1 2 3 4 5 6 7 8 9 180 1 2 3 4 5 6 7 8 9 190

釋述

妙法蓮華經卷五

述三

△二別開科釋四 初正身行三 初總標二處
一者安住菩薩行處親近處能爲衆生演說是經
趣操之謂行狎習之謂近二者不違於道是謂菩
薩行處近處此身行之要也

△二別釋二處二 初釋行處二 初事行

二處各有事行理行非事無以涉俗非理無以契
真理事兼通真俗不礙然後利生弘法觸處安樂
矣

文殊師利云何名菩薩摩訶薩行處若菩薩摩訶薩
住忍辱地柔和善順而不卒暴心亦不驚

行處必住忍辱者六度適時爲用而涉難莫尚於
忍蓋趨事而動則悔吝生焉故須忍以御之惟能
忍故於剛能柔而物不能挫於逆能順而物不能
害於事能審而所施不暴於微能察而所遇不驚
由是克成安樂行也

△次理行

又復於法無所行

法指一切行法也雖行是法而不住相名無所行
蓋有所則有能能所角立物我成敵則患難生而
安樂喪矣

而觀諸法如實相亦不行不分別是名菩薩摩訶薩行處

自所行之法而觀諸法也如實相卽無所觀亦不行言亦無所行也不分別卽情識都忘是非雙泯

菩薩趣操如是而已

△二釋近處二 初徵

云何名菩薩摩訶薩近處

△二釋文二 初事行以戒定爲體又二 初戒八 初戒近權勢

菩薩摩訶薩不親近國王王子大臣官長雖外護可尊恐挾勢妨道苟志於此則身處山林心懸魏闕能暫安樂乎

△二戒近外道

不親近諸外道梵志尼犍子等及造世俗文筆讚詠外書及路伽耶陁逆路伽耶陁者

梵志卽出家外道尼犍在家外道路伽耶此云惡論議逆路伽耶此云惡問難不親外道息異見也不造俗文絕異端也遠惡議難離曲辨也

△三戒近兇戲

亦不親近諸有兇戲相杖相撲及那羅等種種變現

之戲

遺教云若種種戲論其心則亂戲論尚亂況親近乎相杖擣擒也相撲抵角也那羅延神勇捍多力今指騰躍凶伎變現戲卽諸幻術也

△四戒近惡律

又不親近旃陀羅及畜猪羊鷄狗畋獵漁捕諸惡律儀如是人等或時來者則爲說法無所希望遠惡緣也旃陀羅此云嚴幟謂以嚴厲自幟如文身惡服之類毗尼藏有善律儀惡律儀如是人等通指權勢已下雖不親狎或爲法來卽清淨爲說

△五戒近小乘

又不親近求聲聞比丘比丘尼優婆塞優婆夷亦不問訊若於房中若經行處若在講堂中不共住止或時來者隨宜說法無所希求

小乘於法未融多起議論妨安樂行故不親近亦不問訊非慢之也慎媒狎耳

△六戒近婦女

文殊師利又菩薩摩訶薩不應於女人身取能生欲想相而爲說法亦不樂見若入他家不與小女處女寡女等共語

說法當忘情想接語當避嫌疑小女處女非賓主之敵乃譏毀之端

△七戒近不男

亦復不近五種不男之人以爲親厚

既非法器又近於染故不應親五種猥堞不須辨

析

△八潔正身心

不獨入他家若有因緣須獨入時但一心念佛
不獨入欲潔身也但念佛欲正心也

若爲女人說法不露齒笑不現曾臆乃至爲法猶不

親厚況復餘事

容止不攝則致疑生染

不樂畜年少弟子沙彌小兒亦不樂與同師
易致擾惱妨安樂行

△二定

常好坐禪在於閑處修攝其心文殊師利是名初親
近處

△二理行以觀智爲體二 初正觀

卽第二近處也初親近處以戒定爲體第二近處
以觀智爲體所以融前戒定使圓契實相乃成妙

行也

復次菩薩摩訶薩觀一切法空如實相不顛倒不動
不退不轉

一切諸法當體真淨不受一塵曰空無動無壞離
諸幻妄曰實相菩薩觀一切法空如其實相無所
加損故見不顛倒而心無動轉也見不顛倒卽頌
所謂亦不分別諸法有無是非等也心無動轉卽
頌所謂攝心不動如須彌山也蓋心法本寂相待
成搖由見顛倒則以法爲有生有起故於心有動
有轉若雲駛故月運也能如實觀則於心不動不
退而了法不生不起若風止則波澄也然則心法
一也以倒心觀之則妄境紛拏以實相觀之則真
機自寂是故修安樂行貴如實觀

△二喻明

如虛空無所有性一切語言道斷不生不出不起無
名無相實無所有無量無邊無礙無障但以因緣有
從顛倒生故說常樂觀如是法相是名菩薩摩訶薩
第二親近處

無所有性者生出起滅名相等性皆無也名相皆
無則詮示不及故語言道斷無量無邊言如空之

不可窮極也。無礙無障言如空之不可分辨也。實相如是何言說之能及耶？則凡可說者但是從緣而有顛倒之法。當知不從緣有不從倒生者。竟不可說也。常如是觀乃能融前事行以成妙行。

△三以偈重宣四初通頌二處事行
爾時世尊欲重此義而說偈言

若有菩薩於後惡世無怖畏心

欲說是經應入行處及親近處

初標次釋

常離國王及國王大臣官長

兜險戲者

及旃陀羅

外道梵志

亦不親近

增上慢人

貪著小乘

三藏學者

破戒比丘

名字羅漢

及比丘尼

好戲笑者

深著五欲

求現滅度

諸優婆夷

皆勿親近

此戒離權勢外道兜戲等三藏學卽愚法小教破戒言無行名字言無實戲笑言多僻著欲言多滌求現滅度謂不修梵行妄希道果皆非正人故勿親近

若是人等以好心來到菩薩所

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爲聞佛道 菩薩則以 無所畏心

不懷希望 而爲說法

頌清淨說法也能無所著故無所畏

寡女處女 及諸不男 皆勿親近

以爲親厚 亦莫親近 屠兒魁膾

畋獵漁捕 爲利殺害 販肉自活

戒離婦女不男惡律也

銜賣女色 如是之人 皆勿親近

兇險相撲 種種嬉戲

諸姪女等

牒結前文也

莫獨屏處 爲女說法 若說法時

無得戲笑 入里乞食 將一比丘

若無比丘 一心念佛

正身之至也屏僻處里屢中也乞食之法自伏貢

高發他仁善

是則名爲 行處近處 以此二處

能安樂說

雙結也

△二別頌二處理行二 初頌行處

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

二處理行長行各連事行而舉偈文各離事行而
頌文義可辨

又復不行 上中下法 有爲無爲

實不實法 亦不分別 是男是女

不得諸法 不知不見 是則名爲

菩薩行處

頌又復於法無所行至不分別等不行上中下法
謂於三乘法無所行也

△二頌近處二 初頌正觀

一切諸法 空無所有 無有常住

亦無起滅 是名智者 所親近處

顛倒分別 諸法有無 是實非實

是生非生 在於閒處

安住不動 如須彌山 修攝其心

頌觀一切法空如實相不顛倒不動轉等也 真空
實相擬心卽妄若復分別有無是非皆顛倒也

△二頌喻明

觀一切法 皆無所有 猶如虛空

無有堅固 不生不出 不動不退

常住一相 是名近處

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

頌如虛空無所有性至無礙無障等常住一相謂無生出動退等異也

△三結頌二處

若有比丘 於我滅後 入是行處

及親近處 說斯經時 無有怯弱

深造於理故無怯弱謂無怖畏心能安樂說也

菩薩有時 入於靜室 以正憶念

隨義觀法 從禪定起 爲諸國王

王子臣民 婆羅門等 開化演暢

說斯經典 其心安隱 無有怯弱

頌常樂觀如是法相而釋無怯弱之所以

△四結頌正身行

文殊師利 是名菩薩

安住初法

能於後世 說法華經

初法卽正身行也

△二正語行二 初正說長行

又文殊師利如來滅後於末法中欲說是經應住安樂行若口宣說

應住等者要心住口說也心口相應則語行正矣若讀經時不樂說人及經典過亦不輕慢諸餘法師

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

不說他人好惡長短

經有大小乘人有大小機以乘對機隨宜難解故
讀經之時易求其過是以戒之不慢餘師者不依
大輕小不以圓慢偏也不說長短者內以息業外
以息諍此語行之要也

於聲聞人亦不稱名說其過惡亦不稱名讚歎其美
又亦不生怨嫌之心善修如是安樂心故諸有聽者
不逆其意有所難問不以小乘法答但以大乘而爲
解說令得一切種智

說其過則令失小讚其美則令退大亦不怨其妨
道嫌其鄙劣非唯不出諸口又亦不生於心可謂
善修安樂心也由其善修安樂之心無所讚毀怨
嫌故能順其機而導達之

△二重以偈說二 初頌語行相

爾時世尊欲重宣此義而說偈言

菩薩常樂 安隱說法 於清淨地
而施床座 以油塗身 澡浴塵穢
著新淨衣 內外俱淨 安處法座
隨問爲說

常樂說法無復俗論則語行自正淨身淨衣非好

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爲雅潔欲稱其心淨與說法淨耳故曰內外俱淨
安處隨問者虛已應物如鐘待扣也西方以香油
爲淨飾

若有比丘

及比丘尼

諸優婆塞

及優婆夷

國王王子

羣臣士民

以微妙義

和顏爲說

若有難問

隨義而答

因緣譬喻

敷演分別

以是方便

皆使發心

漸漸增益

入於佛道

除懶墮意

及懈怠想

離諸憂惱

慈心說法

晝夜常說

不無上道教

以諸因緣

無量譬喻

開示衆生

咸令歡喜

此依正語順機導達也懶墮妨於勇猛懈怠妨於
精進憂惱妨於安樂菩薩欲依語行說法利物故
除懶惱意離諸憂惱晝夜常說者弘法之心無間
斷也

衣服臥具

飲食醫藥

而於其中

無所希望

但一心念

說法因緣

願成佛道

令衆亦爾

是則大利

安樂供養

所志在法不在物故不希衣服四事供養但念說法安樂供養蓋四事供養特爲小利說法供養乃爲大利

我滅度後

若有比丘

能演說斯

妙法華經

心無嫉恚

諸惱障礙

亦無憂愁

及罵詈者

又無怖畏

加刀杖等

亦無擯出

安住忍故

明語行當宗於忍也說斯經者內之恚惱憂愁外之罵怖杖擯諸難自無爲能安住忍故則忍不可不宗也諸難自無所謂必使之無難

△二頌結顯益

智者如是

善修其心

能住安樂

如我上說

其人功德

千萬億劫

筭數譬喻

說不能盡

如是善修者如上正語之行以修也善修其心所謂修已能住安樂所謂安安修已安安聖人之徒也爲聖人之徒行聖人之道則功與道洪德隨物廣何可勝窮哉

△三正意行四

一息業

又文殊師利菩薩摩訶薩於後末世法欲滅時受持

讀誦斯經典者無懷嫉妬詣誑之心亦勿輕罵學佛道者求其長短

嫉妬詣誑下至戲論諸法皆意地微細邪行故須正之也法欲滅時世道交喪邪暴交作人多嫉詣則學佛者易見輕罵而求其長短故戒持經者無懷嫉詣等事乃因時制行所以息業也

若比丘比丘尼優婆塞優婆夷求聲聞者求辟支佛者求菩薩道者無得惱之令其疑悔語其人言汝等去道甚遠終不能得一切種智所以者何汝是放逸之人於道懈怠故又亦不應戲論諸法有所諍競

四衆有求三乘者當隨機與進輒勿惱之令失善利從語其人言下皆惱之之事顛倒分別諸法有無名戲論諍競皆爲意業故應息之

△二起行

當於一切衆生起大悲想於諸如來起慈父想於諸菩薩起大師想

悲想則愍其迷滯而思濟也父想則依其法化而求怙也師想則景其道行而思齊也

於十方諸大菩薩常應深心恭敬禮拜
爲其愍衆行道深心利物故應深心敬之

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

於一切衆生平等說法以順法故不多不少乃至深愛法者亦不爲多說平等言不黨順法言稱理雖彼深愛當量所堪貴不失人亦不失言

△三顯益

文殊師利是菩薩摩訶薩於後末世法欲滅時有成就是第三安樂行者說是法時無能惱亂此必使無難之効也

得好同學共讀誦是經亦得大衆而來聽受行是行故樂而得朋寬而得衆

聽已能持持已能誦誦已能說說已能書若使人書供養經卷恭敬尊重讚歎

因使法利展轉浸廣則法雖欲滅而未滅故應成就是第三行

△四重頌三 初頌息業

爾時世尊欲重宣此義而說偈言

若欲說是經 當捨嫉恚慢 詣詬邪僞心
常修質直行

此意行之要也

不輕蔑於人 亦不戲論法 不令他疑悔

云汝不得佛

頌不惱四衆等度忽也

△二頌起行

是佛子說法 常柔和能忍 慈悲於一切

不生懈怠心

十方大菩薩

愍衆故行道

應生恭敬心

是則我大師

於諸佛世尊

生無上父想

破於慳慢心

說法無障礙

忍爲四行之宗故每言之自慈悲於一切已下頌
當於一切起大悲想等

△三頌顯益

第三法如是

智者應守護

一心安樂行

無量衆所敬

質直柔忍慈下恭上安行是道孰不愛敬

△四大悲行六 初起行

又文殊師利菩薩摩訶薩於後末世法欲滅時有持
是法華經者於在家出家人中生大慈心於非菩薩
人中生大悲心

大乘修行初皆以智正行終皆以非成智故四安
樂行先依正智正業而後起大悲利生也然或生
大慈或生大悲者慈能與樂悲能愍濟四衆信解

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

佛法名在家菩薩出家菩薩闡提不信名非菩薩以能信解故生大慈而與之法樂以闡提故生大悲而愍其迷失也

△二愍濟

應作是念如是之人則爲大失如來方便隨宜說法不聞不知不覺不問不信不解其人雖不問不信不解是經我得阿耨多羅三藐三菩提時隨在何地以神通力智慧力引之令得住是法中

此皆愍其迷失也隨宜說法卽開三顯一之法也不聞不知不覺言昏迷自障也不問不信不解言顛蒙自墮也然彼雖不問不解而菩薩大悲誓終濟度

△三離過

文殊師利是菩薩摩訶薩於如來滅後有成就此第四法者說是法時無有過失

第四行法回智運悲總備前行故無過失

△四獲益

常爲比丘比丘尼優婆塞優婆夷國王王子大臣人民婆羅門居士等供養恭敬尊重讚歎虛空諸天爲聽法故亦常隨侍若在聚落城邑空閑林中有人來

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

欲難問者諸天晝夜常爲法故而衛護之能令聽者皆得歡喜所以者何此經是一切過去未來現在諸佛神力所護故

慈與悲大故七衆悅服行與法勝故諸天歸向難問必有折挫得其衛護則正念不失以諸佛所護故諸天不得不護

△五歎法四 初歎難遇

文殊師利是法華經於無量國中乃至名字不可得聞何況得見受持讀誦

難遇如此所以愍其不信不解爲大失

△二喻難得二 初喻

文殊師利譬如強力轉輪聖王欲以威勢降伏諸國而諸小王不順其命時轉輪王起種種兵而往討伐此喻意明是經所以難聞難見者爲陰魔熾盛多怨難信不妄說故輪王譬化身佛諸國譬五陰境小王譬五陰等魔不順其命譬無明煩惱未調伏也以威不行而起兵討伐譬但以如來知見力無畏法不能攝伏諸微細惑故設三乘斷治之法是謂起種種兵

王見兵衆戰有功者卽大歡喜隨功賞賜或與田宅

聚落城邑或與衣服嚴身之具或與種種珍寶金銀
瑠璃磚碟碼磁珊瑚琥珀象馬車乘奴婢人民唯髻
中明珠不以與之所以者何獨王頂上有此一珠若
以與之王諸眷屬必大驚怪

此譬三乘之衆能伏陰魔隨功淺深獲諸法利唯
未與說一乘法也輪王髻珠用鎮寶位妄與則王
屬驚怪法華上乘佛佛授手妄說則衆心驚疑

△二合

文殊師利如來亦復如是以禪定智慧力得法國土
王於三界而諸魔王不肯順伏如來賢聖諸將與之

共戰

如輪王振威小王不順遂起種種兵法國土卽法
界真境賢聖將指三乘衆也

其有功者心亦歡喜於四衆中爲說諸經令其心悅
賜以禪定解脫無漏根力諸法之財又復賜與涅槃
之城言得滅度引導其心令皆歡喜而不爲說是法
華經

如隨功賞賜而不與髻珠也無漏根力卽五根五
力諸法之財通指道品利用之法涅槃城卽中道
止息之權果

110 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

文殊師利如轉輪王見諸兵衆有大功者心甚歡喜以此難信之珠久在髻中不妄與人而今與之言難信珠者賜非其宜則大驚慄

△二牒合

如來亦復如是於三界中爲大法王以法教化一切衆生見賢聖軍與五陰魔煩惱魔死魔共戰有大功勲滅三毒出三界破魔網爾時如來亦大歡喜此法華經能令衆生至一切智一切世間多怨難信先所未說而今說之

魔羅此云殺者謂能興苦難殺人慧命也煩惱魔爲生死因陰魔死魔爲生死果故滅之破之卽出三界也多怨爲衆魔未伏難信爲羣機未淳

△四顯最勝二 初再牒

文殊師利此法華經是諸如來第一之說於諸說中最爲甚深末後賜與如彼強力之王久護明珠今乃與之

第一之說如頂上一珠末後賜與如久待大功

△二結顯

文殊師利此法華經諸佛如來祕密之藏於諸經中

最在其上長夜守護不妄宣說始於今日乃與汝等而敷演之

祕密如藏髻中最上如在王頂四十餘年於生死長夜守此待機故云長夜守護

△六重頌六 初頌行本

爾時世尊欲重宣此義而說偈言

常行忍辱

哀愍一切

乃能演說

佛所讚經

惡世說經多怨難信當以忍辱哀愍爲本

△二頌起悲

後末世時

持此經者

於家出家

及非菩薩

應生慈悲

△三頌愍濟

斯等不聞

不信是經

則爲大失

我得佛道

以諸方便

爲說此法

令住其中

△四頌歎法三 初喻難得

譬如強力

轉輪之王

兵戰有功

賞賜諸物

象馬車乘

嚴身之具

及諸田宅

聚落城邑

或與衣服

種種珍寶 奴婢財物 歡喜賜與
如有勇健 能爲難事 王解髻中
明珠賜之

諸皆喜賜獨難髻珠以待大功

△二頌法合

如來亦爾 爲諸法王 忍辱大力
智慧寶藏 以大慈悲 如法化世
見一切人 受諸苦惱 欲求解脫
與諸魔戰 爲是衆生 說種種法
以大方便 說此諸經 既知衆生

得其力已 末後乃爲 說是法華

如王解髻 明珠與之

△三頌最勝

此經爲尊 衆經中上 我常守護
不妄開示 今正是時 爲汝等說
△五頌結答

我滅度後 求佛道者 欲得安隱
演說斯經 應當親近 如是四法
結答云何能說是經之間也
△六由行得果三 初轉障樂果

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

能行四行故讀持是經易克勝果

讀是經者

常無憂惱

又無病痛

顏色鮮白

不生貧窮

卑賤醜陋

衆生樂見

如慕賢聖

天諸童子

以爲給使

刀杖不加

毒不能害

若人惡罵

口則閉塞

遊行無畏

如師子王

智慧光明

如日之照

常無憂惱顏色鮮白者轉報障滅順現衰惱也不生貧窮卑賤醜陋轉業障滅順生惡業也衆生樂慕刀毒不加轉煩惱障滅順後麌報也智慧光明如日之照轉無明障滅三際癡暗也樂慕給使言常享妙樂口則閉塞言無由發惡如師子王言障怖永離優遊自在

△二先見妙果二 初標

若於夢中

但見妙事

持經之人四行功成當克妙果已定於未形之分故先於夢中見之以行純障淨故無復雜想但見妙事下舉妙事

△二釋四 初見佛說法

見諸如來

坐師子座

諸比丘衆

圍繞說法

又見龍神

阿修羅等

數如恒沙

恭敬合掌

自見其身

而爲說法

又見諸佛

身相金色

放無量光

照於一切

以梵音聲

演說諸法

行純心淨無襍想故於自他境不離法行故見佛
說法見已亦然

△二蒙佛授記

佛爲四衆

說無上法

見身處中

合掌讚佛

聞法歡喜

而爲供養

得陀羅尼

證不退智

佛知其心

深入佛道

卽爲授記

成最正覺

汝善男子

當於來世

得無量智

佛之大道

國土嚴淨

廣大無比

亦有四衆

合掌聽法

△三修證實相

又見自身

在山林中

修習善法

證諸實相

深入禪定

見十方佛

諸佛身金色

百福相莊嚴

聞法爲人說

常有是好夢

重諷見十方佛之事以結前起後也

△四圓成佛道

又夢作國王 捨宮殿眷屬 及上妙五欲

行詣於道場 在菩提樹下 而處師子座

求道過七日 得諸佛之智 成無上道已

起而轉法輪 爲四衆說法 經千萬億劫

說無漏妙法 度無量衆生 後當入涅槃

如煙盡燈滅

此歷見修進成佛始終之行也 諸皆由行得果之
先見是相現前當克是果矣然皆依夢說者欲令
行人觀一切法空無所有但以因緣從顛倒生自
雖見佛聞法乃至圓成佛道皆爲夢事了不可得
無有常住亦無起滅常觀是相然後於一切處得
真安樂行也

△三結顯前文

若後惡世中 說是第一法 是人得大利
如上諸功德

妙灑蓮華經解卷第五之一

音切

擣

研離

110 123456789180 123456789190 123456789

撰述

丹陽賀學禮賀學易爲
父江西按察司廉使賀邦泰施貲刻此
妙法蓮華經解卷第五之一
嘉興沙彌道海對
真州趙之昂書
溧水毛有倫刻
萬曆辛卯春五臺山妙德庵識

真史樂子也

無音常主亦無弦絃常躰最昧然妙合一以真言
難見非聞去六至圓妙無首首無數事了不可言
行人購一以忘空無復有以因緣於頭固坐自

妙法蓮華經解卷第五之二

溫陵開元蓮寺比丘戒環解

妙法蓮華經從地涌出品第十五

△四顯迹勸持二

初略叙科名

此顯妙法智力所化之迹也娑婆下界有六萬恒
沙菩薩從無數劫修佛智慧悉是釋尊所化常樂
靜處勤行精進故不依人天而住下方空中以示
常樂深智無有障礙也今爲顯此妙迹示作遺模
兼將發起壽量祕說故從地涌出因以名品

△二依科解文三

初叙發起二

初他方請持

110 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

爾時他方國土諸來菩薩摩訶薩過八恒河沙數於大衆中起合掌作禮而白佛言世尊若聽我等於佛滅後在此娑婆世界勤加精進護持讀誦書寫供養是經典者當於此土而廣說之

此法集之衆欲從他方來此持經

△二如來不許

爾時佛告諸菩薩摩訶薩衆止善男子不須汝等護持此經所以者何我娑婆世界自有六萬恒河沙等菩薩摩訶薩一一菩薩各有六萬恒河沙眷屬是諸人等能於我滅後護持讀誦廣說此經

佛止之者非有違拒爲將顯述顯法故也顯述者

△二正顯述六 初來儀顯妙二 初來儀

佛說是時娑婆世界三千大千國土地皆震裂而於其中有無量千萬億菩薩摩訶薩同時涌出

深智現前大千不疑

是諸菩薩身皆金色三十二相無量光明先盡在此娑婆世界之下此界虛空中住

在此娑婆界下方空中住以示常樂深智無有障礙也

110 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

是諸菩薩聞釋迦牟尼佛所說音聲從下發來

此以真說彼以心聞文殊所謂心聞洞十方

△二顯妙三 初一多互陳

一一菩薩皆是大衆唱導之首各將六萬恒河沙眷屬況將五萬四萬三萬二萬一萬恒河沙等眷屬者況復乃至一恒河沙半恒河沙四分之一乃至千萬億那由他分之一

此指沙數自多反少

況復千萬億那由他眷屬況復億萬眷屬況復千萬百萬乃至一萬況復一千一百乃至一十況復將五

四三二一弟子者

此指妓數自多反少

況復單已樂遠離行如是等比無量無邊筭數譬喻所不能知

此指單數自少反多偈云單已無眷屬其數轉過上乍而觀之六萬河沙多於單已詳而觀之單已之數轉過河沙然則一已非寡沙衆非多法法本體離諸數量多寡之限特人情妄立耳此衆來儀所以遣情顯妙也

△二延促互現

是諸菩薩從地出已各詣虛空七寶妙塔多寶如來釋迦牟尼佛所到已向二世尊頭面禮足及至諸寶樹下師子座上佛所亦皆作禮右遶三匝合掌恭敬以諸菩薩種種讚法而以讚歎住莊一面歡樂瞻仰於二世尊是諸菩薩摩訶薩從初踊出以諸菩薩種種讚法而讚於佛如是時間經五十小劫是時釋迦牟尼佛嘿然而坐及諸四衆亦皆默然五十小劫佛神力故令諸大衆謂如半日

聖人神智方便法門能延一日以爲一劫能促一劫以爲一日蓋道無遷變情有頃久猶如夢人不移一時而夢歷多歲則頃久之情初無定也故聖人對機示現延促而本無延促所言菩薩讚佛經劫則於促示延耳又令大衆謂如半日則於延現促耳所以然者將欲顯發宣示諸佛智慧自在神通之力使忘延促之情而深證實相故也華嚴云一念普觀無量劫無去無來亦無住如是了知三世事超諸方便成十力夫能一念普觀無去來住則了斯延促皆方便耳

△三通礙互用

爾時四衆亦以佛神力故見諸菩薩徧滿無量百千

萬億國土虛空

四衆肉眼礙而非通而能見無量國土者假佛通
力故也夫於衆一多互陳於時延促互現於見通
礙互用者以明物量無窮時無止分無常而警發
常情使去其倒心限意依無礙智圓融妙達繇是
進契壽量祕說而得入佛慧成就佛身故也是故
此品事法雖爲顯迹勸持又爲壽量引發也

△二衆首問訊

是菩薩衆中有四導師一名上行二名無邊行三名
淨行四名安立行是四菩薩於其衆中最爲上首唱
導之師在大衆前各共合掌觀釋迦牟尼佛而問訊
言世尊少病少惱安樂行不所應度者受教易不不
令世尊生疲勞耶爾時四大菩薩而說偈言

世尊安樂 少病少惱 教化衆生
得無疲倦 又諸衆生 受化易不
不令世尊 生疲勞耶

問居堪忍與民同患之事也

△三釋尊敘告

爾時世尊於菩薩大衆中而作是言如是如是諸善
男子如來安樂少病少惱諸衆生等易可化度無有

疲勞所以者何是諸衆生世世已來常受我化亦於過去諸佛供養尊重種諸善根此諸衆生始見我身聞我所說卽皆信受入如來慧除先修習學小乘者如是之人我今亦令得聞是經入於佛慧

言世世受化正顯壽量本門所化言亦於過去種善則兼明智勝會中所化以化緣深故始見始聞卽皆信受

△四聞風隨喜

爾時諸大菩薩而說偈言

善哉善哉

大雄世尊

諸衆生等

易可化度

能問諸佛

甚深智慧

聞已信行

我等隨喜

於時世尊讚歎上首諸大菩薩善哉善哉善男子汝等能於如來發隨喜心

△五時衆疑問二 初此衆疑問三 初示疑

爾時彌勒菩薩及八千恒河沙諸菩薩衆皆作是念我等從昔已來不見不聞如是大菩薩摩訶薩衆從地踊出住世尊前合掌供養問訊如來
彌勒道同大覺智無不照以補處示疑欲利當來之機耳故後偈云願佛爲未來演說令開解

△二 請問二 初總問

時彌勒菩薩摩訶薩知八千恒河沙諸菩薩等心之所念并欲自決所疑合掌向佛以偈問曰

無量千萬億 大衆諸菩薩 昔所未曾見
願兩足尊說 是從何所來 以何因緣集
總問何來何集

△二 詳問二 初問何來

巨身大神通 智慧叵思議 其志念堅固
有大忍辱力 衆生所樂見 爲從何所來
容儀挺特智力異常故聳動衆問下問來儀

一一諸菩薩 所將諸眷屬 其數無有量
如恒河沙等 或有大菩薩 將六萬恒沙
如是諸大衆 一心求佛道 是諸大師等
六萬恒河沙 俱來供養佛 及護持是經
將五萬恒河 其數過於是 四萬及三萬
二萬至一萬 一千一百等 乃至一恒河
半及三四分 億萬分之一

此頌沙數自多反少

千萬那由他 萬億諸弟子 乃至於半億
其數復過上 百萬至一萬 一千及一百

五十與一十 乃至三二一

此頌亥數自多反少

單已無眷屬 樂於獨處者 俱來至佛所
其數轉過上

此頌單數自少反多

如是諸大衆 若人行籌數 過於恒沙劫
猶不能盡知 是諸大威德 精進菩薩衆
誰爲其說法 教化而成就 從誰初發心
稱揚何佛法 受持行誰經 修習何佛道
見其頗多疑非一世一佛所化故詳問之

如是諸菩薩 神通大智力 四方地靈裂
皆從中踊出 世尊我昔來 未曾見是事
願說其所從 國土之名號
結問何來也

△二問何集

我常遊諸國 未曾見是衆 我於此衆中
乃不識一人 忽然從地出 願說其因緣
△三請決

今此之大會 無量百千億 是諸菩薩等
皆欲知此事 是諸菩薩衆 本末之因緣

無量德世尊 唯願決衆疑

△二他衆疑問

爾時釋迦牟尼分身諸佛從無量千萬億他方國土來者在於八方諸寶樹下師子座上結跏趺坐其佛侍者各各見是菩薩大眾於三千大千世界四方從地踊出住於虛空各自白其佛言世尊此諸無量無邊阿僧祇菩薩大眾從何所來爾時諸佛各告侍者諸善男子且待須臾有菩薩摩訶薩名曰彌勒釋迦牟尼佛之所授記次後作佛已問斯事佛今答之汝等自當因是得聞

各自白其佛自分身也

△六釋尊顯答三 初開許

爾時釋迦牟尼佛告彌勒菩薩善哉善哉阿逸多乃能問佛如是大事汝等當共一心被精進鎧發堅固意如來今欲顯發宣示諸佛智慧諸佛自在神通之力諸佛師子奮迅之力諸佛威猛大勢之力

彌勒姓也號阿逸多此云無能勝大事者智慧神通奮迅威猛所化多衆之事也將欲宣示先令被精進鎧等者戒使勇銳諦聽無以趣深而生疑退也下云我於娑婆得菩提已教化成就如是多衆

卽總宣示廣在後文也宣示諸佛智慧卽壽量偈云我智力如是慧光照無量是也諸佛自在神通卽方便現涅槃而實不滅度是也師子奮迅之力卽常說法教化無數億衆生是也威猛大勢之力卽令顛倒衆生雖近而不見是也此宣釋迦化跡而言諸佛者佛佛道同故

爾時世尊欲重宣此義而說偈言

當精進一心 我欲說此事 勿得有疑悔
佛智叵思議 汝今出信力 住於忍善中
昔所未聞法 今皆當得聞 我今安慰汝

勿得懷疑惧 佛無不實語 智慧不可量
所得第一法 甚深叵分別 如是今當說
汝等一心聽

出信力者勉今發信住忍善者戒令勿退卽令被進鎧發堅固意也

△二正答

爾時世尊說此偈已告彌勒菩薩我今於此大衆宣告汝等阿逸多是諸大菩薩摩訶薩無量無數阿僧祇從地踊出汝等昔所未見者我於是娑婆世界得阿耨多羅三藐三菩提已教化示導是諸菩薩調伏

其心令發道意

答誰說法教化從誰初發心

此諸菩薩皆於是娑婆世界之下此界虛空中住
答願說所從國土名號

於諸經典讀誦通利思惟分別正憶念

稱其德也於諸經典能讀以取其理誦以通其義
思惟以精之正念以持之則其德足稱矣

阿逸多是諸善男子等不樂在衆多有所說常樂靜
處勤行精進未曾休息亦不依止人天而住常樂深
智無有障礙亦常樂於諸佛之法一心精進求無上

慧

釋所以住下方空中之意

△三頌答

爾時世尊欲重宣此義而說偈言

阿逸汝當知 是諸大菩薩 從無數劫來
修習佛智慧 悉是我所化 令發大道心
頌答誰爲教化從誰發心

此等是我子 依止是世界 常行頭陀事
志樂於靜處 捨大衆憤闍 不樂多所說
如是諸子等 學習我道法

頌答受持誰經修習何道

晝夜常精進 爲求佛道故 在娑婆世界

下方空中住

頌答願說所從國土名號

志念力堅固 常勤求智慧 說種種妙法

其心無所畏

頌德也

我於伽耶城 菩提樹下坐 得成最正覺

轉無上法輪 爾乃教化之 令初發道心

今皆住不退 悉當得成佛

答本末因緣也 意若近跡 實指遠因 摩竭陁國西南度尼連河至伽耶城又數里至菩提山有畢鉢羅樹佛坐其下成道

我今說實語 汝等一心信 我從久遠來

教化是等衆

結答也

△三執迹生疑五 初叙疑

爾時彌勒菩薩摩訶薩及無數諸菩薩等心生疑惑 怪未曾有而作是念云何世尊於少時間教化如是無量無邊阿僧祇諸大菩薩令住阿耨多羅三藐三

110 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

菩提

迷壽量遠因故有此疑

卽白佛言世尊如來爲太子時出於釋宮去伽耶城不遠坐於道場得成阿耨多羅三藐三菩提從是已來始過四十餘年世尊云何於此少時大作佛事以佛勢力以佛功德教化如是無量大菩薩衆當成阿耨多羅三藐三菩提世尊此大菩薩衆假使有人於千萬億劫數不能盡不得其邊斯等久遠已來於無量無邊諸佛所植諸善根成就菩薩道常修梵行世尊如此之事世所難信

執伽耶近迹故有此難

△二設喻

譬如有人色美髮黑年二十五指百歲人言是我子其百歲人亦指年少言是我父生育我等是事難信父少譬釋尊闡化之近子老譬涌出成德之久化近迹久理不相當必言二十五及百歲者取其少猶未壯老已過耄益見相違也

△三合顯

佛亦如是得道已來其實未久而此大衆諸菩薩等已於無量千萬億劫爲佛道故勤行精進善入出住

無量百千萬億三昧得大神通久修梵行善能次第
習諸善法巧於問答人中之寶一切世間甚爲希有
今日世尊方云得佛道時初令發心教化示導令向
阿耨多羅三藐三菩提世尊得佛未久乃能作此大
功德事

得佛未久合父少也而此大衆至甚爲希有合子
老也今日世尊至能作大事合相違也善入出住
者於無量三昧或入或出或住妙用自在

△四請決

我等雖復信佛隨宜所說佛所出言未曾虛妄佛所
知者皆悉通達然諸新發意菩薩於佛滅後若聞是
語或不信受而起破法罪業因緣唯然世尊願爲解
說除我等疑及未來世諸善男子聞此事已亦不生
疑

△五偈諷四 初頌叙疑

爾時彌勒菩薩欲重宣此義而說偈言

佛昔從釋種

出家近伽耶

坐於菩提樹

爾來尚未久

此諸佛子等

其數不可量

久已行佛道

住於神通力

善學菩薩道

不染世間法

如蓮華在水

從地而踊出

皆起恭敬心 住於世尊前 是事難思議
云何而可信 佛得道甚近 所成就甚多
願爲除衆疑 如實分別說
執近迹疑遠緣而致問也

△二頌設喻

譬如少壯人 年始二十五 示人百歲子
髮白而面皺 是等我所生 子亦說是父
父少而子老 舉世所不信
所謂寂場少父寂光老兒

△三頌合顯

世尊亦如是 得道來甚近 是諸菩薩等
志固無怯弱 從無量劫來 而行菩薩道
巧於難問答 其心無所畏 忍辱心決定
端正有威德 十方佛所讚 善能分別說
不樂在人衆 常好在禪定 爲求佛道故
於下空中住

從志固無怯已下皆頌老成之德

△四頌請決

我等從佛聞 於此事無疑 願佛爲未來
演說令開解 若有於此經 生疑不信者

110 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

卽當墮惡道 願今爲解說 是無量菩薩

云何於少時 教化令發心 而住不退地

妙法蓮華經如來壽量品第十六

△五顯本勸持二 初略釋科名

前品顯迹而滯者迷本故情疑久近見起生滅欲
契如實本際難矣故此顯本釋其疑滯使知如來
本無生滅伽耶之化特爲機所受之命稱性無量
故曰如來壽量品文云如來如實知見三界之相
無有生死退出亦無在世滅度後云其有菩薩聞
說壽量卽能信受願於未來長壽度生至坐道場

說壽亦爾意明本迹一如世相常住稱性之壽人
皆有之苟能正信順受不以生滅心行而自夭閼
則三界之相可如意知遂能現壽量以存示生
滅而化化智力神用與如來等矣故曰顯本勸持
△二依文正釋三 初叙發起二 初告衆發信
爾時佛告諸菩薩及一切大衆諸善男子汝等當信
解如來誠諦之語復告大衆汝等當信解如來誠諦
之語又復告諸大衆汝等當信解如來誠諦之語
以壽量之本趣深難信故再三發之心實曰誠言
當曰諦

110 123456789180 123456789190 123456789

△二深信勤請

是時菩薩大眾彌勒爲首合掌白佛言世尊唯願說之我等當信受佛語如是三白已復言唯願說之我等當信受佛語

△二正顯本三 初正說壽量三 初正說
爾時世尊知諸菩薩三請不止而告之言汝等諦聽如來祕密神通之力

應量非量現滅不滅天人莫測是謂祕密神力
一切世間天人及阿修羅皆謂今釋迦牟尼佛出釋氏宮去伽耶城不遠坐於道場得阿耨多羅三藐三菩提然善男子我實成佛已來無量無邊百千萬億那由他劫

但見其迹本實無量

△二喻明

譬如五百千萬億那由他阿僧祇三千大千世界假使有人抹爲微塵過於東方五百千萬億那由他阿僧祇國乃下一塵如是東行盡是微塵諸善男子於意云何是諸世界可得思惟校計知其數不

並如智勝塵墨之喻

彌勒菩薩等俱白佛言世尊是諸世界無量無邊非

筭數所知亦非心力所及一切聲聞辟支佛以無漏智不能思惟知其限數我等住阿鞞跋致地於是事中亦所不達世尊如是諸世界無量無邊爾時佛告大菩薩衆諸善男子今當分宣語汝等是諸世界若著微塵及不著者盡以爲塵一塵一劫我成佛已來復過於此百千萬億那由他阿僧祇劫

正明佛壽無量也諸佛壽量悉皆無量衆生壽量亦復如是但迷真智故妄逐生死如一墮地獄至無數劫豈非無量壽耶苟不迷墮則與佛無別矣

△三顯常

自從是來我常在此娑婆世界說法教化亦於餘處百千萬億那由他阿僧祇國導利衆生

自從是來謂從塵劫成佛已來言常在此又在餘處則不唯身相常住亦顯國土常住也是知娑婆及萬億國無非淨土同一法界未常壞滅其有壞滅皆別業妄見也

△二釋疑顯本三 初徵古釋疑二 初徵受記
入滅

諸善男子於是中間我說燃燈佛等又復言其入於涅槃如是皆以方便分別

既曰成佛之久常在利生而中間自說於然燈佛
所得法受記等事疑若近迹又復現言當入涅槃
疑非常在此皆隨機方便之說耳

△二徵隨應異迹

諸善男子若有衆生來至我所我以佛眼觀其信等
諸根利鈍隨所應度處處自說名字不同年紀大小
亦復現言當入涅槃又以種種方便說微妙法能令
衆生發歡喜心

自信等諸根謂信根智根等也觀利根卽現長年說
自大法觀鈍根卽現劣應示涅槃所以名字有不同
年紀有大小說法有種種皆爲隨機利導發其善
心耳

△二徵今釋疑二 初徵本迹

諸善男子如來見諸衆生樂於小法德薄垢重者爲
是人說我少出家得阿耨多羅三藐三菩提然我實
成佛已來久遠若斯但以方便教化衆生令人佛道
作如是說

迹少出家本久成佛

△二徵教說

諸善男子如來所演經典皆爲度脫衆生或說已身

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

或說他身或示已身或示他身或示已事或示他事
諸所言說皆實不虛

所演經典說雖異同理無不實也已謂釋迦他謂
諸佛說見於言示見於行

所以者何如來如實知見三界之相無有生死若退
若出亦無在世及滅度者非實非虛非如非異不如
三界見於三界如斯之事如來明見無有錯謬以諸
衆生有種種性種種欲種種行種種憶想分別故欲
令生諸善根以若干因緣譬喻言詞種種說法所作
佛事未曾暫廢

釋上理無不實而說有異同也三界萬法不容擬
心以衆生妄見則種種紛紜以如來實見則一切
真寂無有生死乃至滅度者不以生滅相見也不
如三界見於三界者不以往來相見也旣明見無
滯則宜無異說特以衆生性欲行想之心種種不
同故說示教化之迹亦種種不同也所作佛事指
說示不同之事

△三結顯

如是我成佛已來甚大久遠壽命無量阿僧祇劫常
住不滅

1701233456789180123456789150123456789

△三明權顯本四 初唱滅善權

諸善男子我本行菩薩道所成壽命今猶未盡復倍上數然今非實滅度而便唱言當取滅度如來以是方便教化衆生

叙唱滅意也

所以者何若佛久住於世薄德之人不種善根貧窮下賤貪著五欲入於憶想妄見綱中若見如來常在不滅便起憍恣而懷厭怠不能生難遭之想恭敬之心是故如來以方便說

釋唱滅意也貧窮下賤言乏功德財憶想妄見爲生死綱卽見惑思惑也

△二深慈警策

比丘當知諸佛出世難可值遇所以者何諸薄德人過無量百千萬億劫或有見佛或不見者以此事故我作是言諸比丘如來難可得見斯衆生等聞如是語必當生於難遭之想心懷戀慕渴仰於佛便種善根是故如來雖不實滅而言滅度

言難值遇乃警之令渴仰種善也

又善男子諸佛如來法皆如是爲度衆生皆實不虛明諸佛利生善權皆如是也

△三喻明權意八 初立譬之本

譬如良醫智慧聰達明鍊方藥善治衆病其人多諸子息若二十乃至百數

佛如醫師教如醫方理如妙藥種種性欲行想分別是謂衆病佛能以若干緣喻隨其所宜發藥而蠲除之是謂良醫善治也火宅之子對三乘言故數止三十良醫之子對衆生言故兼至百數

△二喻背覺合塵

以有事緣遠至餘國諸子於後飲他毒藥藥發悶亂宛轉於地

△三喻佛慈垂化
醫師遠適而諸子飲毒猶宅主近出而其家失火也飲他毒藥喻隨順邪法宛轉於地喻輪墮諸趣

是時其父還來歸家諸子飲毒或失本心或不失者遙見其父皆大歡喜拜跪問訊善安隱歸我等愚癡誤服毒藥願見救療更賜壽命父見子等苦惱如是依諸經方求好藥草色香美味皆悉具足擣篩和合與子令服而作是言此大良藥色香美味皆悉具足汝等可服速除苦惱無復衆患

三界之家佛所舊化故云來歸彼中邪毒深者失

其良心淺者雖或未失亦爲惡習所障未能親造覺體故云逢見願賜壽命卽冀不夭阏於橫邪也發藥除苦卽令其斷惑而證真也依諸佛經濟之方求聖賢斷治之藥顯性空之真色示戒定之五香品乳酪之五味無不具足也擣者折剛爲柔篩者化麤入細和合令服則無矯拂之失色味香美則無暝眩之毒聖人病人之病憂人之憂調御之德蓋見於此

△四喻化有易難

其諸子中不失心者見此良藥色香俱好卽便服之病盡除愈餘失心者見其父來雖亦歡喜問訊求索治病然與其藥而不肯服所以者何毒氣深入失本心故於此好色香藥而謂不美

△五喻權巧示滅

父作是念此子可愍爲毒所中心皆顛倒雖見我喜求索救療如是好藥而不肯服我今當設方便令服此藥卽作是言汝等當知我今衰老死時已至是好良藥今畱在此汝可取服勿憂不著作是教已復至他國遣使還告汝父已死

畱藥喻遺教去國喻示滅

△六喻感悟從化

是時諸子聞父背喪心大憂惱而作是念若父在者慈愍我等能見救護今者捨我遠喪他國自惟孤露無復恃怙常懷悲感心遂醒悟乃知此藥色味香美卽取服之毒病皆愈

人情常忽於所賴常感於去思

△七喻障盡見佛

其父聞子悉已得耄尋便來歸咸使見之

水澄月現亦何去來

△八覈審誕信

諸善男子於意云何頗有人能說此良醫處妄罪不不也世尊

△四以法合顯

佛言我亦如是成佛已來無量無邊百千萬億那由他阿僧祇劫爲衆生故以方便力言當滅度亦無有能如法說我處妄過者

導迷貴權於法無過

△三以偈宣二 初頌正說顯本二 初頌壽量

無量

爾時世尊欲重宣此義而說偈言

自我得佛來 所經諸劫數 無量百千萬

億載阿僧祇

△二頌真化常住

常說法教化 無數億衆生 令入於佛道
爾來無量劫

△二頌明權顯本五 初頌唱滅善權

爲度衆生故 方便現涅槃 而實不滅度

常住此說法

△此總舉善權下詳述權意

我常住於此 以諸神通力 令顛倒衆生

雖近而不見 行衆見我滅度 廣供養舍利

咸皆懷戀慕 而生渴仰心 衆生旣信伏

質直意柔軟 一心欲見佛 不自惜身命

時我及衆僧 俱出靈鷲山 我時語衆生

常在此不滅 以方便力故 現有滅不滅

雖近不見所以伏憍恣也令生渴仰所以發厭怠

也

餘國有衆生 恭敬信樂者 我復於彼中

爲說無上法 汝等不聞此 但謂我滅度

敬信之心如聲說法之慈如響聲有彼此響無生

滅但應於彼如此不聞故謂之滅耳蓋聖人雖有權應之迹實無權應之心如響而已

△二頌隱顯常化五 初頌隱顯之意

我見諸衆生 没在於苦惱 故不爲現身
令其生渴仰 因其心戀慕 乃出爲說法
饑然後甘食渴然後甘飲

△二頌所依淨土

神通力如是 於阿僧祇劫 常在靈鷲山
及餘諸住處

△三頌卽壞而存

衆生見劫盡 大火所燒時 我此土安隱

天人常克滿

園林諸堂閣

種種寶莊嚴

寶樹多華果

衆生所遊樂

諸天擊天鼓

常作衆伎樂

雨曼陀羅華

散佛及大眾

大火所燒此土安隱其何土耶卽實報淨土亦曰
性土也言常在靈山則不離娑婆化土而能不壞
者報化一土爾依妄業所現故有成與壞依實報
所現故無成與壞成壞之相楞嚴所譖別業妄見
譬如目眚妄見燈影彼非眚人雖同不見所以衆
生見燒而我常安隱也自我求之所謂性土不離

110 123456789180 123456789190 123456789

自性所謂靈山不離已靈非形非器故劫火莫燒
亘古亘今故常在不滅達斯妙旨則壽量淨土等
事皆備於我而不疑於佛矣

△四頌隨緣感變

我淨土不毀 而衆見燒蓋 憂怖諸苦惱
如是悉充滿

所謂別業妄見

是諸罪衆生 以惡業因緣 過阿僧祇劫
不聞三寶名 諸有修功德 柔和質直者
則皆見我身 在此而說法 或時爲此衆

說佛壽無量 久乃見佛者 爲說佛難值
以罪業背佛卽惡緣同感者以修德見我則善業
同感者由其或背或見故佛或說壽量或說難值
但應彼緣曾無定迹

△五頌結上勸信

我智力如是 慧光哭無量 壽命無數劫
久修業所得 汝等有智者 勿於此生疑

當斷令永盡 佛語實不虛

智照無量壽命無數乃久修淨業之實報非虛說
示也

170 123456789180 123456789190 123456789

△三頌喻明

如醫善方便 爲治狂子故 實枉而言死
無能說虛妄

△四頌合顯

我亦爲世父 救諸苦患者 爲凡夫顛倒
實枉而言滅 以常見我故 而生憍恣心
放逸著五欲 墮於惡道中
苦患卽妄纏惡業顛倒卽妄見生死

我常知衆生 行道不行道 隨所應可度
爲說種種法

頌是故如來以方便說

△五總結前義

每自作是意 以何令衆生 得入無上慧
速成就佛身

每思方便利導羣機故或說壽量以發其慧或現
涅槃以感其情皆欲速成故也

妙法蓮華經解卷第五之二

音切

模

莫奴以周

繇

切

憤

公對

獨

古玄

都

皓

篩

所宜

切

嘉興沙彌道海對

刻

施貴刻此

- 妙灑蓮華經解卷第五之三
溫陵開元蓮寺比丘戒環解
- 妙灑蓮華經分別功德品第十七
- △六聞法獲益二 初略叙科名
時會欽聞壽量祕說而造道證性淺深不同佛爲
隨根稱揚之故曰分別功德文五
- △二依科隨釋五 初經家標叙
- 爾時大會聞佛說壽命劫數長遠如是無量無邊阿
僧祇衆生得大饒益
- 得大饒益如下所說

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△二如來分別三 初入道功德

於時世尊告彌勒菩薩摩訶薩阿逸多我說是如來壽命長遠時六百八十萬億那由他恒河沙衆生得無生法忍

因聞壽量了無生滅以無生法忍可成行而無了無忍名爲法忍忍者行之成名復有千倍菩薩摩訶薩得聞持陀羅尼門

一聞千悟得大總持諸餘總持自此而出故謂之門如圓覺陀羅尼門流出一切

復有一世界微塵數菩薩摩訶薩得樂說無礙辨才造道自得左右逢原故能樂說無礙卽四無礙辨之總也四辨一法二義三詞四樂說復有一世界微塵數菩薩摩訶薩得百千萬億無量旋陀羅尼

於一切法反本還源方便利生逆順自在名百千萬億無量旋陀羅尼

復有三千大千世界微塵數菩薩摩訶薩能轉不退法輪

入正位說正法迥超二乘無復退轉

復有二千中國土微塵數菩薩摩訶薩能轉清淨法

110 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

輪

卽言辭相寂一乘妙法也從聞持陀羅尼至此皆
地上菩薩之德十地論云得陀羅尼菩薩在五地

△二得果功德

復有小千國土微塵數菩薩摩訶薩八生當得阿耨
多羅三藐三菩提復有四四天下微塵數菩薩摩訶
薩四生當得阿耨多羅三藐三菩提復有三四天下
微塵數菩薩摩訶薩三生當得阿耨多羅三藐三菩
提復有二四天下微塵數菩薩摩訶薩二生當得阿
耨多羅三藐三菩提復有一四天下微塵數菩薩摩

訶薩一生當得阿耨多羅三藐三菩提

此約隨根得果遠近也八生等者以超入聖位如
初生佛家之生非出沒生死之生也初言八生謂
超入四地取妙覺之位有八故曰餘各八生在當
得成佛道次言四生謂超入八地取妙覺之位有
四三生二生謂九地十地一生卽超入等覺取妙
覺一間耳故曰餘有一生在當成一切智也如來
壽量卽本覺不壞之實相悟是實相則無不了達
故會衆聞說隨根各證

△三發心功德

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

復有八世界微塵數衆生皆發阿耨多羅三藐三菩提心

聞實報理發正因心也先舉入道得果之菩薩後舉隨喜發心之衆生乃事之序而舊以此文合在初列又廣配十信十住等位文理互違今不必配問壽量之法一也古今之性同也昔者衆生一聞遂得法忍菩薩深達遂成佛道而數比沙塵今幾何也曰今之聞者以大千計之真若沙塵果亦深達則得忍成佛不讓在昔唯其不能深信深達耳

△三妙瑞助顯

佛說是諸菩薩摩訶薩得大法利時於虛空中雨曼陀羅華摩訶曼陀羅華以散無量百千萬億寶樹下師子座上諸佛并散七寶塔中師子座上釋迦牟尼佛及久滅度多寶如來亦散一切諸大菩薩及四部衆又雨細抹栴檀沈水香等於虛空中天鼓自鳴妙聲深遠又雨千種天衣垂諸瓔珞真珠瓔珞摩尼珠瓔珞如意珠瓔珞徧於九方衆寶香爐燒無價香自然周至供養大會一一佛上有諸菩薩執持幡蓋次第而上至於梵天是諸菩薩以妙音聲歌無量頌讚歎諸佛

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

諸瑞皆從空雨徧於九方乃助顯壽量法利如空無邊不可得而思議也故彌勒讚曰世尊說壽量不可思議法多有所饒益如虛空無邊言九方者除下方非法會所菩薩執幡上至梵天言其滿空供養讚歎也

△四彌勒偈讚四 初頌叙讚法利

爾時彌勒菩薩從座而起偏袒右肩合掌向佛而說偈言

佛說希有法 昔所未曾聞 世尊有大力
壽命不可量 無數諸佛子 聞世尊分別

說得法利者 歡喜充徧身

△二頌別功德三 初頌入道功德

或住不退地 或得阨羅尼 或無礙樂說
萬億旋總持 或有大千界 微塵數菩薩

各各皆能轉 不退之法輪 復有中千界
微塵數菩薩 各各皆能轉 清淨之法輪

△二頌得果功德

復有小千界 微塵數菩薩 餘各八生在
當得成佛道 復有四三二 如此四天下
微塵諸菩薩 隨數生成佛 或一四天下

微塵數菩薩 餘有一生在 當成一切智
隨數謂隨四三二數也

如是等衆生 聞佛壽長遠 得無量無漏
清淨之果報

稱實報法故無漏清淨

△三頌發心功德

復有八世界 微塵數衆生 聞佛說壽命
皆發無上心

△三頌妙瑞助顯

世尊說無量 不可思議法 多有所饒益

如虛空無邊 雨天曼陀羅 摩訶曼陀羅
釋梵如恒沙 無數佛土來 雨旃檀沈水
續紛而亂墜 如鳥飛空下 供散於諸佛
天鼓虛空中 自然出妙聲 天衣千萬種
旋轉而來下 衆寶妙香爐 燒無價之香
自然悉周徧 供養諸世尊 其大菩薩衆
執七寶幡蓋 高妙萬億種 次第至梵天
一一諸佛前 寶幢懸勝幡 亦以千萬偈
歌詠諸如來

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

△四頌結讚所顯

如是種種事 昔所未曾有 聞佛壽無量
一切皆歡喜 佛名聞十方 廣饒益衆生
一切具善根 以助無上心

結讚妙瑞所顯之意由十方諸天聞佛壽量廣獲
饒益故各具善根而諸妙瑞以自表助無上道心
也

△五校量後益五 初生信益二 初宣揚信福
爾時佛告彌勒菩薩摩訶薩阿逸多其有衆生聞佛
壽命長遠如是乃至能生一念信解所得功德無有
限量

解壽量說卽得不壞體證真常用故功無限量
若有善男子善女人爲阿耨多羅三藐三菩提故於
八十萬億那由他劫行五波羅蜜檀波羅蜜尸羅波
羅蜜羼提波羅蜜毗梨耶波羅蜜禪波羅蜜除般若
波羅蜜以是功德比前功德百分千分百千萬億分
不及其一乃至筭數譬喻所不能知

如來壽量乃智力慧光久修所得能一念信則爲
已具般若智因故五度深功莫比

若善男子善女人有如是功德於阿耨多羅三藐三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

菩提退者無有是處

已真正因故有進無退

△二重頌信福五 初標頌五度

爾時世尊欲重宣此義而說偈言

若人求佛慧 於八十萬億 那由他劫數

行五波羅蜜

△二別頌五度六 初施

於是諸劫中 布施供養佛 及緣覺弟子

并諸菩薩衆 珍異之飲食 上服與卧具

旃檀立精舍 以園林莊嚴 如是等布施

種種皆微妙 盡此諸劫數 以回向佛道

△二戒

若復持禁戒 清淨無缺漏 求於無上道

諸佛之所歎

△三忍

若復行忍辱 住於調柔地 設衆惡來加

其心不傾動 諸有得法者 懷於增上慢

爲此所輕惱 如是悉能忍

△四進

若復勤精進 志念常堅固 於無量億劫

170 123456789180 123456789190 123456789

一心不懈息

△五禪

又於無數劫 住於空閑處 若坐若經行
除睡常攝心 以是因緣故 能生諸禪定
八十億萬劫 安住心不亂 持此一心福
願求無上道 我得一切智 盡諸禪定際
一心福卽禪波羅蜜也 一切智卽心之極造禪定
際卽道之極造

△六結

是人於百千 萬億劫數中 行此諸功德

如上之所說

△三頌校信福

有善男女等 聞我說壽命 乃至一念信
其福過於彼 若人悉無有 一切諸疑悔
深心須臾信 其福爲如此

一念之信福過五度然當悉無疑惑福乃如此正
法華云當棄捐猶豫諸著思想事信樂大法義其
福爲若斯

△四上士必信

其有諸菩薩 無量劫行道 聞我說壽命

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

是則能信受 如是諸人等 頂受此經典
願我於未來 長壽度衆生 如今日世尊
諸釋中之王 道場師子吼 說法無所畏
我等未來世 一切所尊敬 坐於道場時
說壽亦如是

菩薩行道經無量劫則智力慧光已幾實報故聞
斯信之而於未來願得是報至坐道場願說是道
蓋深悟稱性壽量人皆有之故願不夭閼而跋及
如來也

△五通結不疑

若有深心者 清淨而質直 多聞能總持

隨義解佛語 如是之人等 於此無有疑

深心則志固清淨則智明質直則無偽多聞則博
識總持則貫通隨義則不滯有是全才盡智可於
壽量無疑也

△二解趣益

又阿逸多若有聞佛壽命長遠解其言趣是人所得
功德無有限量能起如來無上之慧
壽量之說趣在斷生滅見顯真常體苟能明解則
起無上慧等同如來故功無限量

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

△三廣持益

何況廣聞是經若教人聞若自持若教人持若自書
若教人書若以華香瓔珞幢幡繪蓋香油蘇燈供養
經卷是人功德無量無邊能生一切種智
聞佛壽命則斷生滅見顯真常體能起上慧而已
廣聞是經則具四知見盡一乘道故能生種智也
然世之聞持不計而果能起上慧生種智者誰耶
是亦遇王餚而不食得衣珠而醉臥耳惜哉

△四深信解相

阿逸多若善男子善女人聞我說壽命長遠深心信
解則爲見佛常在耆闍崛山共大菩薩諸聲聞衆圍
遶說法

生滅見盡則真常之相觸目宛然

又見此娑婆世界其地瑠璃坦然平正間浮檀金以
界八道寶樹行列諸臺樓觀皆悉寶成其菩薩衆咸
處其中

穢淨情忘則勝妙之境舉步皆是

若有能如是觀者當知是爲深信解相

身土實相本自一如生滅穢淨皆出情見故見盡
情忘則真常之相勝妙之境觸處現前非深信解

壽量祕說莫預於此

△五廣顯妙功五

初如親戴佛

又復如來滅後若聞是經而不毀訾起隨喜心當知已爲深信解相何況讀誦受持之者斯人則爲頂戴如來

上明一品之利此明一經之利故但能隨喜而功已侔上故曰已爲深信解相若正心讀持功又過上故曰則爲頂戴如來云頂戴者謂得此中全身而無以上之也

△二爲供佛僧

阿逸多是善男子善女人不須爲我復起塔寺及作僧坊以四事供養衆僧所以者何是善男子善女人受持讀誦是經典者爲已起塔造立僧坊供養衆僧則爲以佛舍利起七寶塔高廣漸小至於梵天懸諸幡蓋及衆寶鈴華香瓔珞抹香塗香燒香衆鼓伎樂簫笛箜篌種種舞戲以妙音聲歌唄讚頌則爲於無量千萬億劫作是供養已

諸供養中法供養勝故也上顯隨喜功次顯書持功

阿逸多若我滅後聞是經典有能受持若自書若教

110 123456789 180 123456789 150 123456789

人書則爲起立僧坊以赤旃檀作諸殿堂三十有二
高八多羅樹高廣嚴好百千比丘於其中止園林浴
池經行禪窟衣服飲食床褥湯藥一切樂具充滿其
中如是僧坊堂閣若干百千萬億其數無量以此現
前供養於我及比丘僧

殿堂三十有二以安四方僧稱八正道也西天寶
多羅樹其高七仞諸皆縱舉過量之事以顯法供
養勝

△三牒前結勝

是故我說如來滅後若有受持讀誦爲他人說若自

書若教人書供養經卷不須復起塔寺及造僧坊供
養衆僧

△四理行相濟四

初兼行諸度

况復有人能持是經兼行布施持戒忍辱精進一心
智慧其德最勝無量無邊譬如虛空東西南北四維
上下無量無邊是人功德亦復如是無量無邊疾至
一切種智

△二復能供養

若人讀誦受持是經爲他人說若自書若教人書復
能起塔及造僧坊供養讚歎聲聞衆僧亦以百千萬

億讚歎之法讚歎菩薩功德

△三備具衆善

又爲他人種種因緣隨義解說此法華經復能清淨持戒與柔和者而共同止忍辱無瞋志念堅固常貴坐禪得諸深定精進勇猛攝諸善法利根智慧善答問難

前言行五波羅蜜不及一念信解又云不須復起塔寺非廢於行也姑離事顯理使人深造不滯於迹而已若理旣深造非行不修如舟無楫終何以濟故須理行相濟然後其德爲最勝也世之空談名理便廢行實諸度不修一善無取安爲癡兀化爲闡底者宜三復於斯

△四結顯前相

阿逸多若我滅後諸善男子善女人受持讀誦是經典者復有如是諸善功德當知是人已趣道場近阿耨多羅三藐三菩提坐道樹下阿逸多是善男子善女人若坐若立若行處此中便應起塔一切天人皆應供養如佛之塔

已趣道場言已得真趣登證有期近坐道樹言已幾於道成佛不遠故所在之處當尊重之

△五以偈重宣四 初總頌勝福

爾時世尊欲重宣此義而說偈言

若我滅度後 能奉持此經 斯人福無量
如上之所說

△二頌爲供佛僧

是則爲具足 一切諸供養 以舍利起塔
七寶而莊嚴 表刹甚高廣 漸小至梵天
寶鈴千萬億 風動出妙音 又於無量劫
而供養此塔 華香諸瓔珞 天衣衆伎樂
然香油酥燈 周匝常照明 惡世法末時

能持是經者 則爲已如上 具足諸供養
上頌供佛次頌供僧

若能持此經 則如佛現在 以牛頭旃檀
起僧坊供養 堂有三十二 高八多羅樹
上饌妙衣服 牀臥皆具足 百千衆住處
園林諸浴池 經行及禪窟 種種皆嚴好

△三頌理行相濟三 初引持經之福

若有信解心 受持讀誦書 若復教人書
及供養經卷 散華香抹香 以須曼瞻勧
阿提目多伽 薰油常燃之 如是供養者

110 123456789180 123456789190 123456789

得無量功德 如虛空無邊 其福亦如是
須曼蘆多伽三華最香以此薰油

△二頌兼行諸度

況復持此經 穢布施持戒 忍辱樂禪定
不嗔不惡口

△三頌備具衆善

恭敬於塔廟 謙下諸比丘 遠離自高心
常思惟智慧 有問難不瞋 隨順爲解說

△四頌結顯之文

若能行是行 功德不可量 若見此法師

成就如是德 應以天華散 天衣覆其身
頭面接足禮 生心如佛想 又應作是念
不久詣道樹 得無漏無爲 廣利諸人天
其所住止處 經行若坐臥 乃至說一偈
是中應起塔 莊嚴令妙好 種種以供養
佛子住此地 則是佛受用 常在於其中

經行及坐臥

佛子住此卽佛受用等者所在之處則爲有佛之意也夫敬持經之人如佛者所謂若有能持則持佛身又決有成佛之期故也此爲分別功德品故

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

偏明持經勝德或以此地其中之語爲指妙法奧域文勢不然

妙灑蓮華經解卷第五之三

詒封夫人毛興書門召氏造貢刻此

蓮華

長中歌妙谷 卦蠶令妙世 蘇蘋以卦養

主五觀

盛卉苦坐人

八至端一卦

不入龍簷掛

黔無纏無爲

蘆味蒲人天

頭面卦互觀

生少吸制默

又蘆卦是余

丸猿破長鱗

瓢以天率錯

天逐蕪其良

ナ
ナ
一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9